

عزیزه عدلیه

۲۸ ربیع الاول ۱۳۳۰ بازار ایرتی ۵ مارت ۱۳۲۸

نومرو ۵۵

اوپنجی سنه

قسطی

توجیهات عدلیه

در سعادت تجارت بحریه محکمه سی اعضا ملازمی بدروس قره یان وبك اوغلی بدایت محکمه سی ایکنجی حقوق دائره سی اعضا ملازمی سامی افندیلرک موافقتلرینه بناءً بجایشلری اجرا قلمشدر .
اشبو اراده سنیه نك اجرا سنه عدلیه نظارتی مأمورددر .

۱۵ ربیع الاول سنه ۳۳۰ و ۲۱ شباط سنه ۳۲۷

محمد رشاد

صدراعظم

عدلیه ناظری

مهمید

ممدوح

**



قسطمونی استیناف محکمه سی ریاسته موافقته بناءً مناستر ولایتی استیناف محکمه سی جزا دائره سی رئیس حسن حامی، آنک یرینه جزائر بحر سفید ولایتی محکمه استینافیه سی رئیس یعقوب نظم، بونک یرینه قسطمونی

ولایتی استیناف محکمه سی رئیس اولوب تحویلی ایجاب ایدن علی رضا، منحل اولان دولینه قضاسی بدایت محکمه سی جزا دأرته سی ریاسته پرزرین سنجاغی بدایت محکمه سی اعضاسندن و مکتب حقوق عثمانی مأذونلرندن عبدالرحمن آنک یرینه مکتب حقوق عثمانی علی الاعلی درجه مأذونلرندن حسین، كذلك منحل بولنان قوصوه ولایتی داخلنده عثمانیه قضاسی بدایت محکمه سی جزا دأرته سی ریاسته برات سنجاغی بدایت محکمه سی اعضاسندن و مکتب حقوق مأذونلرندن خلوصی بونک یرینه مکتب حقوق عثمانی علی الاعلی درجه مأذونلرندن قاسم کذا منحل اولان پلنقه قضاسی بدایت محکمه سی جزا دأرته سی ریاسته ناسلیج قضاسی بدایت محکمه سی مدعی عمومی معاونی عثمان، آنک یرینه عورتحصار قضاسی بدایت محکمه سی مدعی عمومی معاونلرکندن مستغنی توفیق طاشکوری قضاسی بدایت محکمه سی رئیس یوسف ضیا افندینک وفاتی حسینیه منحل اولان ریاست مذکوریه سهاوقضاسی بدایت محکمه سی مدعی عمومی معاونی مصطفی عزت، آنک یرینه ذیخه قضاسی بدایت محکمه سی مدعی عمومی معاونلرکندن مستغنی اسعد، طرزون ولایتی مرکز بدایت محکمه سی اعضاسندن عثمان لطفی افندینک اسباب قانونیه ببناء عزلیله یرینه درسمعدات مقاولات محررلیکی کتبه سندن و مکتب حقوق عثمانی یکریمی بشنجی سنه اعلی درجه مأذونلرندن حسن حسنی، برات سنجاغی بدایت محکمه سی اعضاسندن صفوت بک مدت مأذونیتی تجاوز ایتدیرومک محل مأموریتیه عود ایتمه سنه مبنی مستغنی عدیله یرینه قونیه مکتب حقوق علی الاعلی درجه مأذونلرندن خلیل حلمی افندیلر نقل وتعیین بیورلمشلردر .

اشبو اراده سنیه نک اجراسنه عدلیه نظارتی مأموردردر .

۸ ل ربیع اول سنه ۳۳۰ ل ۱۳ شباط سنه ۳۲۷

محمد رشاد

عدلیه نظاری
صدر اعظم
ممدوح
معبود

منحل اولان پرله قضاسی بدایت محکمه سی جزا دأرته سی ریاسته عثمانیه قضاسی بدایت محکمه سی جزا دأرته سی رئیس اولوب تحویل طلبنده بولنان مدحت، صاروخان سنجاغی جنحه محکمه سی مدعی عمومی معاونی صادق افندینک اسباب قانونیه مبنی عزلیله یرینه مکتب حقوق عثمانی علی الاعلی درجه مأذونلرندن درسمعدات بدایت محکمه سی برنجی حقوق دأرته سی موظف ملازمه لکندن مستغنی مصطفی شمعی، قره فریه قضاسی بدایت محکمه سی مدعی عمومی معاونی رفیق سامی افندینک وقوع وفاتیه مبنی یرینه پرله قضاسی بدایت محکمه سی مدعی عمومی معاونی اولوب تحویلی ایجاب ایدن مدحت، آنک یرینه غرامش قضاسی بدایت محکمه سی

مدعی عمومی معاونلرکندن مستغنی زین العابدین افندیلر تعیین اولمشلر ومقری کوی وقرتال قضالری بدایت محاکمی مدعی عمومی معاونلری بسم و صالح افندیلرک بجایشلری اجرا قلمشدر .
اشبو اراده سنیه نک اجراسنه عدلیه نظارتی مأموردردر .

۲۹ ل ربیع الاول سنه ۳۳۰ و ۷ ل شباط سنه ۳۲۷

محمد رشاد

عدلیه نظاری
صدر اعظم
ممدوح
معبود

اسکیشهر لوا بدایت محکمه سی تجارت و جزا رئیس فرید و دراج سنجاغی بدایت محکمه سی جزا دأرته سی رئیس علی ضیا افندیلرک بجایشلری اجرا قلمشدر .
اشبو اراده سنیه نک اجراسنه عدلیه نظارتی مأموردردر .

۳۰ ل ربیع الاول سنه ۳۳۰ و ۸ ل شباط سنه ۳۲۷

محمد رشاد

عدلیه نظاری
صدر اعظم
ممدوح
معبود

نصیه و تحویل

نظارت جلیله سبجل مأمورین مدیریتی قلمی میزاولی ادیب بک ایله احصائیات ومدونات قانونیه مدیریتی میزاولی اسماعیل بکک بجایشلری اجرا اولمش و سبجل قلمی معاملات تسجیلیه میز لکنه مذاهب مدیریتی برنجی صنف خلفاسندن حتی بک تعیین قلمشدر .

قونیه ولایتی داخلنده اسپارته سنجاغی بدایت محکمه سی باش کتاتنه محکمه مذکوره اجرا مأموری بکر صدق افندی تعیین اولمش و انطالیه سنجاغی بدایت محکمه سی مستنطق رشدی افندی ایله بوردور سنجاغی بدایت محکمه سی مستنطق صدیق افندیلرک بجایشلری اجرا قلمشدر .

ادرنه ولایتی مرکز بدایت محکمه سی اجرا مأموریتیه بدایت محکمه سی جزا دأرته سی باش کاتبی حسام الدین، آنک یرینه ولایت تجارت محکمه سی باش کاتبی شوکت، اشبو باش کتاتنه اجرا مأموریتی معاونی راشد ومومی الیهک یرینه ده جائز الاستخدام صورتیه قادرو خارجه چیقاریلان صالح درویش، منحل بولنان کوشه خانه سنجاغی بدایت محکمه سی مستنطق لکنه کوره له قضاسی بدایت محکمه سی برنجی کتاتنه منتخب علی واجر

مأموریتہ طرزون ولایتی استیناف محکمه سی برنجی صنف ضبط کتبہ سندن صبری افندیلر بالامتحان، وولایت استیناف محکمه سی برنجی صنف ضبط کتبہ استیناف مدعی عمومیلکی کاتبی جمیل، جانیک سنجانی بدایت محکمه سی اجرا مأموریتہ بالامتحان چهارشنبه قضاسی بدایت محکمه سی برنجی کاتبی حسین فوزی، سورمنه قضاسی بدایت محکمه سی برنجی کتبہ طرزون ولایتی مرکز بدایت محکمه سی جزا دائره سی برنجی صنف ضبط کتبہ سندن محمود رمزی و آنک یرینه مرکز ولایت مقاولات محرر لکی رفاتندہ مستخدم احمد و درول قضاسی بدایت محکمه سی برنجی کتبہ کوشخانه بدایت محکمه سی ضبط کاتبی ولی الدین فخری و آنک یرینه ده بالامتحان ملازمیندن علی، وان ولایتی مرکز بدایت محکمه سی اعضا ملازم لکینه ولایت بدایت محکمه سی حقوق دائره سی باش کاتبی جمال، وقوصوه ولایتی داخلندہ آقوه قضاسی بدایت محکمه سی اعضا لکینه ایپک سنجانی قضا بدایت محکمه سی اعضا سندن علی غالب و مناسر ولایتی داخلندہ قوزانه قضاسی بدایت محکمه سی قولونیا بدایت محکمه سی اعضا لکندن مستغنی عبدالرحمن افندیلر، آیدین ولایتی استیناف محکمه سی باش کتبہ ولایت مرکز بدایت اعضا ملازمی خلوصی و دیار بکر ولایتی داخلندہ دیرک قضاسی بدایت محکمه سی برنجی کتبہ لیجه قضاسی بدایت محکمه سی برنجی کاتبی مصطفی کامل، آنک یرینه جائز الاستخدام اولمق اوزره قادرو خارجنه چیقارلش اولان صاور قضاسی بدایت محکمه سی سابق برنجی کاتبی عارف بکر تعیین اولمشدر.

قوانین و نظامات

غنائم بحریه مقننه ۱۱ صفر سنه ۱۳۳۰ تاریخ فی قانونه موفک ارتوز اوج، قرق اوج، قرق بری و قرق طقوزنجی ماده لرینی مصحح قانونه صورتیدر:

مجلس عمومینک اجتماعندہ قانونیتی تکلیف ایدلمک اوزره ۱۱ صفر سنه ۳۳۰ تاریخندہ موقتاً موقع اجرایه وضع ایدیلن غنائم بحریه قانون لایحه سنک ارتوز اوچنجی، قرق اوچنجی، قرق یدنجی، و قرق طقوزنجی ماده لرندہ مذکور «شورای بحریه» جمله لری یرینه «ارکان حریبه بحریه دائره سی وظائفی ایله مکلف برنجی دائره» جمله لری اقامه اولمشدر.

اشبو لایحه قانونیه نک مجلس عمومینک اجتماعندہ قانونیتی تکلیف ایدلمک اوزره موقتاً موقع اجرایه وضعی و قوانین دولته علاوه سنی اراده ایدرم.

۹ ربيع الاول سنه ۱۳۳۰ و ۱۴ شباط سنه ۱۳۳۷

محمد رشاد

مالیه ناظری	داخلیه ناظر وکیل	عدلیه ناظری	بحریه ناظری	صدراعظم
نائب	طلات	ممدوح	خورشید	سعید

قانونه دعوالری مقننه مواد موقتاً قانونیه صورتیدر:

برنجی ماده — قان دعوالرینک حل و فصلی ایچون آرا وودلقدہ تشکیل اولنان مصالحه دم قومیسینلری طرفندن وقوعبوله جق دعوتہ اجابت ایتمیلر قوه ضابطه ایله جبراً احضار اولنه جقدر.

ایکینجی ماده — بیلرندہ قان خصومتی موجود اولانلردن مصالحهیه موافقت ایتمیوب اخذ ناز فکرندہ تعند واصرار ایدنلر دردست اولنهرق مصالحهیه موافقت ایدنجهیه قدر ضابطه نظارتی آتندہ بولندیریلور ویا لزوم قطعی کوریلور ایسه بر جنایت وقوعنی منع ایچون آخر ولایتده اقامت ایتدیره بیلور ودیت ترتب ایدن طرفه تعاملاً حکم اولنه جق دیت حد شرعی بی تجاوز ایتمک شرطیله ماهیت جرمه وجرمک هویت واستطاعتنه کوره تزید اولنور.

اوچنجی ماده — مصالحه دم قومیسینلرنجه بیلری تألیف و دیات معینه بالتسویه عادت محلیه وجهته بسایه ربط اولندیدن صکره تعهدندہ خلف ایدرک ایقاع جرائمه جرأتیاب اولانلر حقندہ دیت مقررہ ایکینجی ماده ده کوسترلدیکی وجهله تزیداً حکم اولنمغله برابر ایقاع ایتدککاری جرم اخیردن طولایی ده کندیلری تعقیب و دردست اولنهرق حقلرندہ معامله مقتضیه قانونیه آریجه ایفا اولنمق اوزره جهت عدلیهیه تودیع اولنور.

دردنجی ماده — مصالحه دم قومیسینلری طرفندن کرک ایکینجی و اوچنجی ماده لر موجبجه حد مشروعی دائره سنده تزیداً حکم اولنسان و کرک ذی قدرت اولانلر حقندہ تقدیر و حکم اولنوب تأدیه سندن امتناع ایدیلان دیت بدللری محکمه قرارینه حاجت قالمق سزین اجرا دائره لری معرفتیه محکومینک اموال منقوله و غیر منقوله سنه مراجعتله تحصیل اولنور.

بشنجی ماده — مصالحهیه موافقت ایتمیوب اخذ ناز فکرندہ اصرار ایدنلری و بسایه ربط اولندیدن صکره تعهدندہ خلف ایدرک ایقاع جرمه جرأله فرار ایلانلری اخفا ایدنلر حقندہ مقتضی معامله قانونیه جهت عدلیهیه ایفا اولنور.

اشبو قانونک اجرای احکامنه داخلیه وعدلیه نظارتلری مأمورددر. اشبو مواد قانونیه نک مجلس عمومینک کشادندہ قانونیتی تکلیف اولنمق اوزره موقتاً موقع اجرایه وضعی اراده ایدرم.

۲۴ صفر سنه ۱۳۳۰ و ۳۱ کانون ثانی ۱۳۲۷

محمد رشاد

داخلیه ناظری	عدلیه ناظری	صدراعظم
عادل	ممدوح	سعید

مأمورین و کتبه و مستخدمین عدلیه نك مآذونیت نظامیه و فوق العاده لری

حقننده تعلیماتنامه در

برنجی فصل

مآذونیت نظامیه

ماده ۱ بر محله بر سنه مستمر آیفای مأموریت ایتش و بر سنه نك شهور مختلفه سنده بلا معذرت من حیث المجموع یدی کون و یا دهها زیاده دوام سزلنی کورلماش اولانلر سنده بر ماه مآذونیت نظامیه به کسب استحقاق ایدرلر . بر سنه ظرفنده بلا معذرت آلتی کون و یا دهها زیاده دوام ایتماش اولانلرک دوام ایتدکلی مدت ایام مآذونیتلرندن تنزیل اولنور .

حقننده تعقیبات قانونیه اجرا ایدلمکده اولان و تحت محاکمه ده بولنان مأمورینه مآذونیت ویرلز . بویله اولان مأمورلر اولجه استحصال مآذونیت ایتش بولنسلر دخی اشبو مآذونیتدن استفاده ایده مزلر؛ ایتدکلی تقدیرده مستغنی عد اولنورلر .

ماده ۲ مآذونیت نظامیه مصالحک سکتهدار اولمامسیله مشروط بولندیفندن معاملاتک متأثر اولمیه جنی تأمین ایدلمکجه مآذونیتدن استفاده اولنه ماز . بر محکمه و یا داترمنک رئیس واعضا و اعضا ملازملری ومدعی عمومی معاونلری ومستنطق و رفیقلری وباش کاتب و کتبه سیله مباشرلری عین زمانده مآذون اوله مازلر یعنی بر محکمه دن بر آیده یالکیز رئیس و یا اعضادن بری استعمال مآذونیت ایده بیلور .

ماده ۳ مآذونیت نظامیه برنجی ماده موجبجه مستحق اولوبده بر سنه بی اکل ایتدکیزین کرک کندی طلیله و کرک حسب الایجاب نظارتک تنسیبیه ولوکه عین بلده داخنده اولسون آخر مأموریه تعیین و یا خود ترفیعاً نقل ایدلمش اولانلرک اوسنیه عائد مآذونیتی اولبایده کی فقرات نظامیه احکامنه توفیقاً سنه آتیه مآذونیتنه ضم اولنور . بریده بر سنه و یا دهها زیاده ایضای مأموریتله حق مآذونیت نائل اولان ومآذونیتی استعمالدن اول تحویل مأموریت ایلانلرک اولکی مأموریتنه عائد مآذونیتدن او سنه ایچنده استفاده ایده . بیلمهلری انفکاکلرنده محذور اولدیغنک صوک محل مأموریتلری انجمن عدلیه سنججه تأمیننه متوقفدر .

ماده ۴ مدت نظامیه مآذونیت قابل تمدید دکلدرد . مدتک ختامنده بلا معذرت مأموریتی باشنده بولنیلر مستغنی عد اولنورلر .

ماده ۵ انشای راهده وقوعبوله حق خستهلق و مائر اسباب معذرتک نظر اعتباره آله بیلمسی ایچسون احوال مسرووده نك هر حالده عزیمته قطعاً مانع اوله حق درجده بولنسی لازم اولوب بویله احوال

فوق العاده وقوعنده الك یقین محل هیئت عدلیه سنك و یا موجود اولمدیغی تقدیرده هیئت ملکیه نك تصدیقه اقتران ایتك شرطیه رسمی وافاده قطعی فیهی متضمن وثائقه مستنداً کیفیتک درحال نظارته اشعاری لازمدر .
ماده ۶ مآذونیت جدوللرنده تعیین ایدلمش مآذونیت زمانی هیچ بر سبب و صورتله بالاخره تعدیل و تحویل اولنه ماز . آنجق اولجه مآذونیت طلب ایتش ایکن حسب الایجاب استعمالدن صرف نظر ایده جکلر حقننده مرجعلرندن وقوعبوله حق اشعار اوزرینه دفترینه اشارت اولنهرق کله جک سنه مآذونیتنه علاوه استعمال حتی باقیدر . مع ذلک بر سنه مآذونیتک بر قسمی استعمال ایله متبایسندن او سنه نك باشقه آینده و یا کله جک سنده استفاده ایتك جائز اوله ماز . مکرکه مأمورک مآذونیت نظامیه دن استفاده ایتدیکی صرهده نظارتجه کوریلان لزوم اوزرینه مآذونیتی انقطاعه اوغرا دلمش اوله .

ماده ۷ مآذونیت دفترلری نمونه سی وجهله اوچ نسخه اوله رق تنظیم و ولایت ولوالرده انجمن عدلیه طرفندن وتشکیلات جدیده کورن قضالرده رئیس ومعاون جانبندن وتشکیلات کورمیان محالرده هیئت محکمه طرفندن تصدیق اولنهرق بر نسخه سی محالده آلیقونیلور وایکی نسخه سی کذلک بعدالتصدیق مرجعیت اصولنجه مافوقه ونهایت استیناف مدعی عمومیلکینه کوندریلر . استیناف مدعی عمومیلکینه سنجده هریکی نسخه بعدالتصدیق تعلیماتنامه یه تماماً مطابقتی حالده تصدیق ایدلکدن صکره نظارته ارسال اولنور . بونلرک بری نظارتجه بالتصدیق اجرای ایجابی ضمننده مدعی عمومیلک عاده و دیگر نسخه سی حفظ اولنور .
ماده ۸ استیناف مدعی عمومیلری داخل دائره مأموریتلری بولنان مرکز و ملحقات محاکمی مآذونیت دفترلری وقت وزمانیه جلب وتدقیق وجهله سنی جمع وتلفیق ایتدکدن صکره نهایت شهر کانون ثانی غایه سنده نظارتده بولنق اوزره ارسال ایتدکه مجبوردرلر . بونی تأمین ایچون استیناف مدعی عمومیلری ایجاب ایدن تدابیری اتخاذ ایدرلر .

ماده ۹ مآذونیت دفترلریک اشبو تعلیماتنامه یه توفیقاً تنظیم ایدلمش اولمسی و یا دفاترک وقت معینده کوندرله مسی نظارت نظامنامه داخلیسنك بشنچی بابی موجبجه مسیبلری حقننده بادی مسئولیتدر .

ماده ۱۰ اصوله موافق دفاترک بعدالتصدیق اعاده سندن مقدم خودبخود استعمال مآذونیتنه تشبث ایدنلر بلا مآذونیت انفکاک ایتش کی مستغنی عد اولنورلر .

ماده ۱۱ نظارتدن اعاده اولنان دفترلرک مدعی عمومیلکیرجه بر صورتی اخذ وحفظ اولنهرق اصللرینك درحال محالرینه ارسالی لازمدر .

ماده ۱۲ مآذونیت حسسیله محل مأموریتلرندن انفکاکدن اول رؤسا واعضای محاکمک محاکمات ضبطنامه لرینی امضا ایتملری ومستنطق وباش کاتب و کتبه نك دخی انشای غیوبتلرنده وجودلرینه احتیاج حاصل ایده جک رفقای طرفندن اکالی ممکن اولمیه حق در دست ایشلری تمام ایشلری مشروطدر .

ماده ۱۳ نمونه سنده کوسترلدیکی وجهله مآذونیت دفترلرنده هر مأمورک پدرینک و کندینک اسمی

و مملکتی و ایشه مباشرتی تاریخی و صورت دوام و اقتدای و حقننده بر کونه شکایت و تحقیقات بولنوب بولندینی و محاکمه تحتنده اولوب اولدینی و مرتبه اولی مأمور لرینک مأموریتلری نظارتجه تصدیق ایدیلوب ایدلدیکی و هنوز مأموریتی تصدیق ایدلمه مش اولانلرک اوراق انتخابیه سی هانکی تاریخنه کوندردیکی و کوندرلماش ایسه سبی مشروح اولق لازمدر . مندرجات دفاترک صحتندن تنظیم ایدن هیئات ایله تصدیق ایدنلر نظامنامه داخلینک بشنچی بابی موجبجه مسئولدر .

ایکینجی فصل

فوق العاده مآذونیتله رار

ماده ۱۴ مآذونیت نظامیه نك احداثی حسیله علی العاده مآذونیت استحصالی ورؤسانك داخل ولایتده اون کون مآذونیت اعطاسنه دأر اولان صلاحیتلری مانادر . آنجق ایفای وظیفه مانع اوله جق ویا آخر محله تداوی به احتیاج کوستره جک درجهده خسته لق وایفای حج ایلک کبی مقبول و مشروع معذرتلر اوزرینه نظارتدن علی الاصول بالاستیدان استحصال مآذونیت اولنه بیلور .

ماده ۱۵ ایفای وظیفه مانع و یا تهله کبی داعی درجهده خسته اولوب کرک محل مأموریتده تداوی و استراحت و کرک آخر محله مداوایه محتاج بولنلرک معذرت صیقلری بلدی طبیییه ده داخل اولدینی حالده بر هیئت طبیه طرفندن و بلدی طبیبندن بشقه اطبا بولنلرک یرلرده بالکسر آنک طرفندن لدی المعاینه و یریله جک و ممکن اولورسه مدت مآذونیت حقننده افاده قطعیه فنییه متضمن اوله جق و ثائقه و محلی هیئت عدلیه سنکده خسته لغک ظاهراً مشهود اولان احوال و علائمه دأر نمونه سی وجهله بشقه تصدیقه مستند اوراق و طبیب بولنلرک یرلرده کی مأمورین محلی هیئت عدلیه سندن تصدیق نامه استحصال ایتدکن صکره محل مداوانه مواصلتی متعاقب طبیب راپوری استحصال و ارسال ایلک لازمدر .

ماده ۱۶ مآذونیت اعطاسی مأمورک بالذات معذرت صیقه سنه مستند اولق لازم کلور . اقرباسندن برینک معذرتی کندسی ایچون وسیله بخش اوله ماز . فقط والده ، زوجه و اولادکی افراد عائله نك خسته لقلندن بالذات مأمورک وجودینه احتیاج قطعی کوریلور و بو احتیاج نظارتجه تحقق ایدرسه نظر اعتباره آله بیلور .

ماده ۱۷ مصالح عبادیه خلل کلامک اوزره ایفای حج و یا قدس شریفی زیارت ایچون مدت مناسبه ایله مآذونیت و یریلور .

ماده ۱۸ کرک نظامی و کرک فوق العاده مآذونیت استحصال ایدنلرک قبل العزیمه نه طرفه کیده جکلرینی و ممکن ایسه آدرس لرینی مافوقلرینه اخبار ایتلری و طشره دن در سعادته کلنلرکده کذلک آدرس لرینی سجل دأره سنه قید ایتدیرملری مقتضیدر .

ماده ۱۹ مآذونیت نظامیه فصلنک اون ایکینجی ماده سی احکامی بوفصلده ده جاریدر .
ماده ۲۰ حال مآذونیتده ترفیع و تحویل طلبنه دأر مستدعیات قطعاً نظر اعتباره آنقر آنجق تحویل طلبی اسباب صیقه سنه مستند اولورسه بوجهت بعدالتدقیق ایجاب حاله کوره معامله اولنور .
ماده ۲۱ تحت محاکمه ده بولنلرک مأموره هیچ بر صورتله مآذونیت و یریله من .
ماده ۲۲ اشبو تعلیماتده محرر احوال دن بشقه دیگر اسباب فوق العاده اوزرینه مآذونیت اعطا اولنه بیلورسه ده اشبو مآذونیتلر مآذونیت نظامیه مدتندن محسوب اولنور .

* *

عدلیه و مذاهب نظارتی دواثرنده مستخدم خدمه ایله محکمه تمیز و در سعادت محاکمی مباشر لرینک و اوطه جیلرینک صورت تعیین و استخدام و مجازات و ترقیلرینه و دأره ده کیچه نوبتلرینک صورت ایفاسنه دأر تعلیماتده در

برنجی فصل

خدمه و مباشرلرک صورت تعیین و استخدام و مجازات و ترقیلرینه راردر

ماده ۲ — دأره عدلیه خدمه سی بری داخلی نامیه نظارت دواثری نژدنده مستخدم بولنق ، دیگری مباشر عنوانیه در سعادت محاکمی ، مدعی عمومیلک و اجرا و استنطاق دواثری خدمات و امور تبلیغیه سنه باقق اوزره ایکی طاقندن متشکل اولوب بولنلرک لباس رسمیلری ده آیری آیری طرز و شکلده در .

ماده ۲ — داخلی خدمه حال حاضرده ایکی صنف و مباشر خدمه دخی اوج صنف اوزرینه مرتبدر . خدمه نك و اوطه جیلرک تعیین و عزلی و تقدیر مکافات و مجازاتی و مآذونیتی انجمن اداره عدلیه جه قرارشید یریلورق مقام نظارتک تصدیقه اقتران ایتدکن صکره تطبیق و خدمه نك بردأره دن دیگر دأره یه تحویل و یا بجایشی مقام نظارتک تصدیقه حاجت اولمقسزین انجمنک قراریه اجرا اولنور .

ماده ۳ — « خدمه هیئت » خدمه سر مأموری « نامی آلتنده بر مأمور ایله درت « سر خدمه دن » مرکبدر . خدمه سر مأموری دأره نظارتده بولنوب انجمندن تلقی ایده جکی اوامری اجرا و خدمه یه تبلیغ ایدر و خدمه دن وظیفه سنه تکاسلی کوریلن ویا دوام ایتیلری انجمنه تحریراً بیلدیرر . خدمه سر مأمورینک رفاقنده خدمه دن بری کتابت وظیفه سنی ایفا ایده جک و سر مأمور خدمه نك توزیع معاشی وظیفه سیله ده مکلف بولنه جقدر . درت سر خدمه دن بری دواثر نظارت ایله محاکم تمیزیه و بری استیناف محاکمی ایله اجرا دواثری ، بری بدایت و تجارت محاکمی ایله در سعادت استنطاق و مدعی عمومیلک دواثری ، بری

دخی بك اوغلی محاکمی نزدینه مأمور اولوب اورالده خدمه وظائفك حسن ایفا اولتماسندن اول امرده بونلر مسئول اوله جقلرندن وظائف مذکوردهك نه صورته ایفا اولندیغه ، خدمهك غیرت واستقامت ودواملرینه متادیا دقت ایله ایجاب ایدن موادی خدمه سرمأمورینه بیلدیرلر .

اسکدار محاکمه بو وظیفه نی « سرخدمه وکیل » عنوانیه برنجی صنف خدمه دن بری ایفا ایده جکدر . سرخدمه لرك کندی ناملرینه جلبنامه قید ایتدیرملری واجرت قدیمه دن حصه آلملری ممنوعدر . سرخدمه لرك دواثره تعینی انجمن اداره جه اجرا ایدیلوب لدی الایجاب دواثره لری تبدیل اولنور .

ماده ۴ — هر محکمه نزدینه کی خدمه دن اك یوكسك صنفده بولنانلرك اك قدملیسی اوداثرهك « پوسته باشیسی » در . اشبو پوسته باشی دواثره رئیس ویا آمرندن آله جنی امره کوره وظائفی خدمه یه تقسیم وخدمهك دوامنه نظارت ایدر . پوسته باشیلر اداره جهتیله سرخدمه لره ، سرخدمه لر دخی خدمه سرمأمورینه مربوطدر . البسه رسمیه لرنده دیکرلرندن فضله بر علامت بولماز .

ماده ۵ — خدمه معاملات تبلیغیه دن ویا ایفاسیله مکلف اولدینی سائر وظائفدن دولایي نزدینه بولندیگی دواثرهك اك بیوک آمری معیتنده در آنجق اداره جهتیله خدمه سرمأمورینك واقع اوله جق تبلیغاتی ده اصغایه مجبوردر . خدمه سرمأموری انجمن اداره ریاستندن تلقی ایده جکی امر اوزرینه نظارتجه لازم الایفار خدمت موقته یه خدمه دن بری تعین واعزام ایده بیایر ایسه ده بصورت تعین دواثره سی آمرینك اذن وموافقیله مشروطدر . ماده ۶ — هر محکمه ویا دواثره کی خدمه ایچون بر دوام جدولی طوتیلور . سرخدمه لر هر کون مأمور اولدقلری دواثره کی خدمه دن دوام ایدوب ایتملری آکلامق ایچون پوسته باشیلر نزدینه محفوظ بولنه جق اولان اشبو جدوللری بالتدقیق کله مش اولانلرك اسامیسی ایرتسی کون اوکله دن اول خدمه سرمأمورینه بر ورقه ایله تحریراً بیلدیرمه مجبوردرلر . تبلیغات ایچون خارجه مشغول بولنانلرك اشبو معذرتی جدوله اشارت اولنه جقدر . اگر دوام ایتمه مش هیچ کیمسه یوق ایسه کیفیت اویولده اشارت ایدوب ینه ورقه یومیه ویربله جکدر . یالکیز بك اوغلی واسکدار محکمه لرینه عائد دوام پوصله لری هر هفته جمعه ایرتسی کونی اوکله دن اول کوندریلور خدمه سرمأموری ده آلدینی پوصله لرك خلاصه نی هر ایک یکر می بشنجی کونی انجمن اداره یه اعطا ایدر .

ماده ۷ — خدمه دن هر بری البسه رسمیه سی حسن حالده محافظه یه مجبوردر . کرك دواثره داخلنده کرك معاملات تبلیغیهك حین ایفاسنده خدمه همه حال البسه رسمیه سی لابس اوله جق وداثما اوکری ایلکلی بولنه رق صورت ادیبانه کزه جکدر . خدمهك قوریدورلرده یکدیگرلریله لابلایانه ملاطفه ویا اصحاب مصالحه مصاحبه ایتلری ، البسه رسمیه نی لابس اولدقلری حالده علناً عشرت ایتلری وائتای تبلیغاته حال سکرده بولملری وسوقاق وپازارلرده صفت رسمیه لرینه یاقیشمایه جق حرکاتی اختیار ایتلری وسرخدمه لرك دخی کندی ناملرینه جلبنامه قید ایتدیرملری ویا اجرت قدیمه دن حصه آلملری قطعاً ممنوعدر .

ماده ۸ — خدمه میاننده منحل وقوعنده آلت طرفنده کی صنفده بولنان خدمهك اك قدملیسی وقدملرده تساوی وقوعنده بالامتحان اك اهلیتلیسی ترفیع ایدیلوب قدیمه خدمت دولته دخول تاریخی معتبر اولغله برابر سرجلنده معاملات انتباهیه عائد وقوعاتی بولمیانلر ترجیح اولنور . یکیدن قید اولنه جق خدمه بالامتحان آلنور . خدمه لکه قبول اولنه جق کسانك ایفای وظیفه ایده بیله جک درجه ده اوقویوب یازمه مقتدر اولسی وحسن اخلاق اصحابندن بولنسی وسنك یکر میدن دون اوتوزبشدن افزون اولماسی شرطدر .

ماده ۹ — جزا وحقوق محکمه لرنده کی خدمهك مبادله وبجایشی حقنده مواد مخصوصه تنظیم اولنه جیه قدر دواثره نظارت ایله محاکم تمیزیه وبدایت واستیناف جزا محکمه لرنده واستنطاق ومدعی عمومیلک دواثره لرنده مستخدم خدمه میاننده منحل وقوع بولدیگی تقدیرده منحل اولان صنفه ترفیع ایدیه جک خدمه بولندقلری دواثره لرده ایفا اولنوب تسلسل نتیجه سنده یکیدن قید اولنه جق مباشر منحلک بولمقد اولدینی دواثره یه تعین ایدیلور . محاکم حقوقیه وتجاریه ایله اجرا دواثره لری نزدینه کی خدمه لکارده منحل وقوعنده تسلسلاً ترفیع ایده جکلر بولندقلری دواثره لرده قالمقله برابر تمیز محاکمه استیناف وبدایت جزا واستنطاق ومدعی عمومیلک دواثره لرنده کی خدمهك اك قدملیسی حقوق ویا تجارت محکمه سنه ویا اجرا دواثره سنه ویریلور وتسلسل نتیجه سنده یکیدن قید اولنه جق مباشر اشبو نقل اولنان خدمهك یرینه جزا دواثره سنه تعین اولنور .

ایکینجی فصل

اوطه جیلرک وظائف ومسئولیتلرینه داور

ماده ۱۰ — اوطه جیلرک مأمور اولدقلری اوطه لره عائد وظائف محافظه وخدمات تنظیفیه دن دولایي اقلام امرلرینه قارشی مسئول اولغله برابر دواثرهك تطهیرات عمومی و تدابیر انضباطیه سنه متعلق خصوصات ایله معاملات اداره لرینه متفرع مواده اوطه جی باشی به مربوطدرلر ؛ اوطه جی باشی دخی انجمن اداره دن تلقی ایده جکی اوامر دواثره سنده ایفای وظیفه ایلر .

ماده ۱۱ — وظیفه لرنده مبالا تسزلقلری کوریلن اوطه جیلر حقنده نظامنامه داخلینک تدابیر انضباطیه دواثره بشنجی بابی احکامی تطبیق اولنور .

لااقل ایکی سنه ایفای خدمت ایتش براوطه جیه دواثره سی مدیر ویا رئیسك تسلیب ایده جکی مدته مآذونیت ویریلور .

اوچنجی فصل

دواثره دایره کیجی نوبتلرینک صورت ایضانه داور

ماده ۱۲ — سرخدمه لره برنجی صنف خدمه دن بری بالمناوبه هر کیجه دواثره نظارتده قاله جقدر .

اوطه جی باشی دائره خارجنده اقامتگاه صاحبی اولدینی جالده برکیجه دائره ده ، برکیجه اونده قالیر . اوطه جی باشینک دائره ده اولمادینی اقساملر وظیفه سی انجمن اداره جه دائره ده یاتان اوطه جیلر میانندن اوصاف لازمه یی حائر انتخاب ایدیه جک بری طرفندن وکاله ایفا اولنور .

ماده ۱۳ — هرکیجه دائره داخلنده تقید و ترصد وظیفه سی بالنسابه آلتی اوطه جی طرفندن ایفا اولنور . بو آلتی اوطه جیدن اوچی غروبیدن کیجه یاریسنه اوچی ده کیجه یاریسندن دائره نک کشادینه قدر لازم کلن محالری طولاشمق صورتیه تقیدات متادیه اجرا و محال معلومه ده بولنان قونترول ساعتلرینه اشارت وضع ایده جکلردر . جمعه کونلریله دیگر ایام تعطیلیه ده کذلک سر خدمه ایله برنجی صنف خدمه دن بری صاحبندن اقسامه قدر دائره ده بولنق اوزره نوبتی قاله جنی کبی اوطه جیلردن آلتیسی ده کیجه لری تعلیق اولنان اصوله توفیقاً صباحدن اقسامه قدر وظیفه ترصدیه یی ایفا ایدیه جکلردر . نوبتی اوطه جیلر بر طرفه آتش و یاساثر برتهلکه کوردکلری تقدیرده بلا افاته وقت ایچلردن بریسی نوبت مأمورینه خبر ویرمه قوشه جق و دیگرلری ده دائره نک مواقع مختلفه سنده کی آلات اطفائییه یی محل حریق جهلنه شتاب ایدرک جمله سی برلکده ایفای وظیفه یی غیرت ایدیه جکلردر .

ماده ۱۴ — نوبت مأموری ایله اوطه جی باشی ویا وکیلی اقسام ساعت اون ایکیده بتون اوطه لری برر کره آچهرق صوبالک تامیله سوندربلوب سوندربلدیکنی کوره جکلرلر بعده تعیین اولنان اوطه ده اقامتله قطعاً دائره خارجه چیقمایه جق و غیر معین زمانلرده لاقبل بر ویا ایکی دفعه دائره یی طولاشه رق نوبتی اوطه جیلرک وظیفه لرینی لایقیه ایفا ایدوب ایتدکلرینی تفتیش ایده جکلردر .

ماده ۱۵ — دائره ده خدانکرده بر حریق وقوعنده کیفیت مطاع اولان نوبت مأموری موجود وسائط اطفائییه یی درحال استعماله مسارعت و دائره ده بولنان بالجه اوطه جیلری قضا محلنه سوق و همان پولیس مدیریته و اطفائییه مرکزینه وسائر ایجاب ایدن محله ره تلفونه و دیگر وسائط ممکنه و سریعه ایله اخبار کیفیت ایتدکه برابر حریق محلنه کله رک ترتیبات و تشبیهات لازمه یی اتخاذ ایده جکلردر . دائره جوارنده بر حریق وقوعنده بنانک یاغینه قارشلی اولان جیهه سنده کی اوطه لرک کافه ایچ قایلری کشاد ایدیه رک اشبو اوطه لرک اوطه جیلری وظیفه لری باشنه کلوب پنجره لردن آتشک سرایتنه میدان ویرمه مک دقت ایده جکلردر . لدی الحاجه طامده ایجابی قدر آدم چیقاریله جقدر . دائره ده موجود طولومبه لر تحت تهلکده بولنان قسم قوریدورینه کتیریه رک لزوم کوریه جک اوطه لرده پنجره لره صو اوریله جنی کبی بوطومبه لر کفایت ایتمز و اطفائییه طاہورندن دائره یه طولومبه آلتیسی قابل اولماز ایسه نوبت مأموری محله طولومبه لردن ایجابی قدرینی دائره یه آله جقدر . آتشک وسعت و شدتی بر تهلکه وقوعنه سببیت و بره جک درجه ده کورینور ایسه ابتدا اوست قاتدن باشلانهرق سالف الذکر اوطه لرده بولنان اشیا و اوراق درحال آتشدن مصون برمحله نقل اولنه جق و کرک اثنای نقلیاتده کرک نقل اولدینی محله اشیا نک و اوراقک محافظه سی ممکن ایسه ضابطه مأمورلرینه و ممکن اولمازه صندوق

محالری و پاپوش جیلردن مناسبلرینه تودیع اولنه جقدر . تهلکه یه معروض قسمده چالیشیلیر کن دائره نک دیگر طرفلرینک بوش قلامسینی تأمین ایچون اوطه لری محل حریق اوزاق اولان اوطه جیلردن مقدار کافیه نوبت وظیفه سی ایفایه دوام ایله متادیا دائره یی دولاشه جکلردر . خانه لری استانبولده اولوبده نوبتده بولنمایان قونترول مأمورلری کرک کیجه لری و کرک ایام تعطیلیه ده ایاصوفیه ، سلطان احمد ، قباصلال ، اسحق پاشا ، سمترلنده حریق وقوعنی استخبار ایدر ایتمز نوبتی بولنان رفیقلرینه معاونت ایچون دائره یه عزیمت ایده جکلردر . حریقندن ماعدا دائره نک انضباطنه متعلق کیجه لین ویا ایام تعطیلیه ده حادث اوله ییله جک هر نوع احوال و وقوعات اوزرینه ده ضابطه یه معلومات اعطا و ایجاب حالی ایفا ایتک نوبت مأمورلرینه عاثر .

ماده ۱۶ — بلا معذرت نوبته چیقمایان اوطه جیلر وینسه بلا معذرت نوبته کلین و دائره خارجه ده قهوه خانه وسائر بر محله کیتدکلری ثابت اولان نوبت مأمورلری مسئولدر . دائره داخلنده ویا جوارنده بر حریق ظهور ایتدکه قارغشه لقدن بالاستفاده ایچرویه کیرمک ایستیه جک مناسبتسز اشخاصی منع و دائره یه کلن دوائر نظارت و محاکم ارکان ورؤسای ایله اقلام میزلری و دائره مدیری کبی مأمورینی ضابطه مأمورلرینه بالاراه دخوللرینی تسهیل ایتک اوزره قیوچی کندی موقعندن بریره آیریلایه جنی کبی نوبت مأموری طرفندن قیوچینک یانسه رؤسا و مأمورینی طانیان قدملی اوطه جیلردن بری براقیله جقدر .

ماده ۱۷ — نوبت مأمورلرینک بیتوتلرینه مخصوص اوطه ده آلتی عدد لامبه طرزنده کمی فاری واون عدد موملی جام فنار هر زمان استعماله مهیا برحاله بولنه جق و هوا غازی نک طاشلقدن بولنان آناموصلنی هر اقسام زوالی ساعت دیدیه قیوچی طرفندن قاپادیلهرق نوبت مأموری طرفندنده موصلفک قاپادیلوب قاپادیلادینی معاینه و مراقبه ایدیه جکلردر .

ماده ۱۸ — نوبت مأمورلری نوبتده بولندکلری کیجه نک فرداسنده برراپور یازهرق انجمن اداره ریاسته ویرمه مجبوردر . برراپورده کیجه هیچ بروقه حادث اولمادینی و یا خود اولمش ایسه صورت جریانی تصریح یازیش بولنه جقدر . ماده ۱۹ — خدمه سر مأموری هر هفته غیر معین بر کیجه بفته دائره یه کله رک اشبو تعلیماتک حقیقه تطبیق اولنوب اولنمادینی تدقیق و تفتیش ایچون اوکیجه دائره ده قاله جق و مشهوداتی فرداسی کونی برراپورله انجمن اداره ریاسته بیلدیره جک و بوتفتیش وظیفه سی ایفا ایچون دائره یه کلدیکی کیجه قونترول وظیفه سیله مکلف سرخدمه ویا خدمه خانه سته کیتمه ماذون اوله جقدر .

ماده ۲۰ — خدمه سر مأموری هر جمعه ایرتسی کونی سرخدمه ایله برنجی صنف خدمه دن او هفته ظرفنده نوبتده بولنه جق اولانلر ایله اوطه جیلرک جدولی انجمن اداره ریاسته ویره جکلردر .

ماده ۲۱ — اشبو تعلیماتنامه ده کوسترین وظائفی ایفا ایتیلر و یا خود منع اولنان حرکاته اجتناسارایدنلر نظامنامه داخلینک یکریمی طقوزنجی ماده سنک فقره ثانیه سی حکمنه توفیقاً عزله قدر مجازات کوره جکلردر .

۱۷ صفر سنه ۱۳۳۰ و ۲۴ کانون ثانی سنه ۱۳۲۷

تبلیغات محرمه

عدليه نظارت جليله سندن تسطير بيوريلان ۱۵ شباط سنه ۳۲۷ تاريخي تحريرات عموميه صورتيدر :

« پوستيه تسليم اوله حق احشای بطنيه نك تعريفات نظاميه دائره سنده باغلانسی
حقنده »

مسموماً وفات ایدن پرهشوه قضاسنك صورخانه قريه سندن دستان اوغلي خالده عائد احشای بطنيه ي
حاوی اولان محفظه نك قيريق اولديني وتخته پارچه سيله باغلي اوفق بر تنكه قوطی ايجروسنده بولنديني حالده
ورود ايتسندن وقوطی درونندي موادك كيمه عائد اولديني اوزرنده مصرح واوراق ده برابر اولديغندن
بر يا كلشغه ميدان ويرلمك اوزره مذکور قوطی مجلس طيه ملكيه وصحيه عموميه رياستندن اعاده اولنسی
ومذکور قوطينك پوسته خانه دن پارچه پارچه بر حالده تسليم اولنديني آكلاشلمسی اوزرينه بالخباره پوسته
وتلغراف وتلفون نظارتندن النان تذکره جوابيه ده برای تحليل طشره دن ورود ايتمكده اولان احشای
بطنيه صندوق محفظه لرینك مرسلرجه ايجابی وجهله باغلانديني کي مهمه طرزنده پوسته خانه لره تسليم وپوسته
خانه لرجه ده صورت تسليمه کوره واوراق ومکاتب ارمه سنه قونلقده وبوصورتله اثنای راهده مذکور صندوق لره طاغيله رق
هم احشانك ضياعنه همده واوراق ومکاتيك تلويثه سبيت ويرمكده اولديغندن بعدازين بوکي صندوق لره پوسته لره
پاكت نظامنامه سنك اوچنچي ماده سنده کي تعريفاته توفيقاً باغلانمش اولديني حالده ويرلمسی بيلديراش ومسائل
مهمه جنايه متعلق اولان بوکي موادك ضياعدن وقايه سنی تأمیناً پوسته پاكت نظامنامه سی تعريفاتی دائره سنده
معامله ايفاسی لازمه دن بولنمش اولديغندن بعدازين بو قبيل احشای بطنيه وسائر نك تعريفات نظاميه وجهله
باغلانهرق پوسته خانه لره تسليمی بالعموم استيناف مدعی عموميلکرينه تبليغ واشبو تحريراتك نسخ مطبوعه
کافيه سيده لفاً تسير قلمش اولغله اوراجه اكا کوره ايفاسی معامله يه دقت واعتنا اولنسی . . .

عدليه نظارت جليله سندن تسطير بيوريلان ۲۲ شباط سنه ۳۲۷ تاريخي تحريرات عموميه صورتيدر :

« امضا ومهر لرك اوقونور صورتده وضعی حقنده »

مستنطق ومدعی عمومی وضابطه عدليه مأمورلرله مأمورين سائر عدليه طرفلرندن تحقیقات ومعاملاته
دائر تنظيم وامضا ویا تختم ايديله رک محکمه لره توديع ايدیلان ادعا نامه وقرار نامه وضبطنامه لر ايله واوراق
سائر اوزرنده کي امضا ومهر لرك اوقونوميه حق بر شکده وضع وطبع ايدلمکده اولسندن طولاي محاکمه
مشکلاته تصادف اولنديني وبو حال امضا ومهر وضعنده کي مقصدي اخلاص ايدمکده نظراً تنظيم ايدمکده جکری

اوراق عدليه مندرجاتی مهر وامضالريله تأمین وتوثيقه مجبور بولنان مأمورينك بالاخره محاکم متعلقه سنجه
اسم وشخصلرينه اطلاع حاصل اولق ايجون مهر وامضالرين اوقونور صورتده وضع ايتلمی لزومی ۹
مايس سنه ۳۲۶ تاريخي تحريرات عموميه ايله تبليغ قلنديني حالده اکثر محللر مأمورين عدليه سنجه بوکا
رايت اولنهرق مهر وامضا وضعنده مبالا تنزلق کوسترلمکده اولنديني اشعارات واقعه دن آكلاشلمغه
تبليغات سسابقه احکامنه تماميله مراعات اولنسی ضمننده دائره مأموريتلری داخلنده بولنان بالجمله مأمورين
عدليه به تجديداً ايفای تبليغات اولنسی . . .

عدليه نظارت جليله سندن تسطير بيوريلان ۹ شباط سنه ۳۲۷ تاريخي تحريرات عموميه صورتيدر :

« جرائم مشهوره وقوعنده ضابطه عدليه صفتی حائر اولان مأمورلرك كانه سنك
درحال وظيفه لرینی بحق ايفا ايتلمينه دائر »

اصول محاکمات جزائيه قانوننك يکرمی طقوزنجی ماده سيله مواد متعاقبه سی احکامندن مستنبان اولنديني
اوزره جرائم مشهوره ايله جرم مشهور قبيلندن عد اولنان افعال وقوعنده مدعی عموميلر عقيب
وقعه ده محل حادثه يه عزيمت ايدرك وقوع جرم ايله اثارينك تعيين واستحضالنه ومتجاسرلرينك دردسته
ومظنونلرك مسكن واقامتگاهلرنده اصول وقواعد موضوعه دائره سنده اجرای تحرياته متعلق اولان وظائف
قانونيه يي بحق وبلاطراف ايفا ايتلمی ووقوع جرمه حاصل اولان تأثرات معنويه اثناسنده ذات جرمه
فاعلی حقنده معلومات ومشهوداتی اولانلرك افادته درحال مراجعت اولنسی اظهار حقيقته خادم اسباب
ودلائل استحصالی مستلزم اك مهم براساس اولنديني حالده بعض اسباب واهيه سرديله حالات نمايله ده مدعی
عموميلره مستنطقلرك اك مهم وظائف قانونيه لرندن برینی تشكيل ایدن شوقسم تحقیقاتی اهمیتی نسبتنده بر
اعتنای مخصوصه اجرا ايتمه رك بعض كسانك ومظنونك سطحيجه افاداتك ضبطيله بالاكتفا محل مأموريتلرينه
عودت امرنده استعجال ايله وقعه محلنده اكالی مقتضى اولان تحقیقاتده کي نواقصك بالاخره مرکز
مأموريتلرنده اكالنه چالشيهرق آرمدن زمان مروريله تأثيرات خارجيه تيجه سی اولهرق بوصورت
معامله ايله تأمین مقصد ايديله مامکده اولنديني وقوعبولان بعض شکایات واخبار اوزرينه ورود ايتمکده
اولان واوراق تحقیقه مندرجاتندن نمایان اولقده اولوب بوکي جرائم مشهوره وقوعنده ضابطه عدليه صفتی
حائر اولان مأمورلرك کافه سی درحال وظيفه لرینی بحق ايفا ايتلمکری حالده اکثراً آثار ودلائل جرميه نك
محو وازالسنه ميدان ويرلمش اوله جفی درکار بولنديني جهته جرائم مشهوره وقوعنده مدعی عمومی
معاونلرله مستنطق وسائر ضابطه عدليه مأمورلرينك بوبابده ايفاسيه مكلف اولدقلى وظائف قانونيه لرینك
بر کره ده ابيان وايضا حنه مجبوريت حاصل اولديغندن بعدما بر جرمك مشهوراً وقوعی خبر آلنيز آلتماز
درحال محل جرمه عزيمت ايله اسباب ودلائلك تعريفات قانونيه وجهله مکملاً تحقيق وضبط ومحل جرمك

بالاطراف کشفیہ جنایتک وقوعی مشاہدہ ایدنلرله کنڈیلرندن استحصا معلومات اولنسی ملحوظ اولان کسانک معلوماتلرینه مراجعت اولندقدن صوکره تحقیقات ومعاملات لازمی احتوا ایدن ضبط ورقه سنک تنظیمی وجرمده استعمال اولنان وثبوت جرمه مدار اولان اوراق و آلات و ادواتک اخذی واسلحه نك ضبطی ومظنونك اقامتگاهنك علی الاصول تحریری وارباب فن وصنعتك اصولاً تحلیفلی بالاجرا مطالعہ فیہلرینه مراجعتله ماہیت فعل حقندہ تقریرلر تنظیمی و قتل مادہ لرنده مقتولك اوصافنی وجسدندہ مشہود اولہ جق احوالی وسرقت موصوفہ جرائمندہ آچیلان محارلہ قیریلان ویا آلت مخصوصہ استعمال ایدیلن محارلری ومحمدہ مشہود آثارك كافہ سنی وجرم مشہود قییلدن اولان افعال سائرہ دخی ماہیت جرم اقتضاسنجه ذات و آثار جرمك تعیینہ عائد تدقیقات مقتضیہی حاوی ومحل جرمده مظنون علیہ بالذات کنڈیسی حاضر بولننی ایستمز ویا مقتدر اولہ ماز ایسہ وکیلی حضوریلہ اقامتگاهنك تحریری نتیجہ سندنہ ضبط اولنہ جق اشیانك مظنون علیہ طرفندن وقوعبولہ جق اعتراضی منع ایچون اوزرینہ اشارت وضع اولنہ رق وبر طوربہ ویا محفظہ دروننہ قونیلہ رق تمہیر ولدی الحاجہ امضا ایدلک اوزرہ کنڈیسنہ ارانہ اولنہ رق امتناعی حالندہ کیفیت امتناعی والحاصل بوقیل اشیانك امر حفظ وتوثیقنہ عائد معاملات قانونیہ نك تماماً ایفا قلندیفنی محتوی اولہ رق تنظیم اولنہ جق ضبط ورقه سنك حاضر بولنانلرك كافہ سنہ امضا ایدیریلہ رك آتیا تقیدات واعتراضاتہ محل براغلامسنہ اعتنا اولنسی وجنایت نوعندن وقوعبولان جرائم مشہودہ فعل واقعك کنڈیسندن صدوری دلائل وامارات قویہ ایلہ آکلاشیلان مظنون علیہمك حاضر ایسہ توقیفی ودکل ایسہ اوصاف واشکالنك ضبطیلہ برابر احضاری ایچون ویریلہ جك امر اوزرینہ احضار اولندیفندہ درحال صورت عمیقہ استجواب اولنسی ومعاملاتہ اساس اولہ جق ضبط ورقه سنہ تاریخدن بشقہ محل تنظیمی وعن سماع شہادتہ وقعہ نك سمعہ صورت وصولی وجرمك ماہیتیلہ احوال خصوصیہ سی وجرمك نتیجہ سی وتدایر متخذہ نك انواعی واستجواب اولنان مخبر ومظنونلرك اسامیسی وافادہ لرینك امضاسی تکلیف اولنوب امتناع ایدلدیکی ویا حسن قبول کوسترلدیکی والحاصل صحت معاملہ یی تأمین ایدن بالجلہ ایضاحات درج وبعض ارباب فن وصنایعہ مراجعت ایدیلہ رك راپورلر آلمش ایسہ عیناً ویا خلاصہ ترقیم اولندقدن صکرہ تعریفات قانونیہ دائرہ سندنہ تحلیف اولندقلریدہ ضبط ورقه سنہ علاوہ وبوضبط ورقه سنك اصول محاکمات جزائیہ قانوننك اوتوز طقوزنجی مادہ سی موجبنجه امضا ایلہ توثیق ایدلسی ومستنطقلر دخی جرائم مشہودہ ایچون مدعی عمومیہ مخصوص وبالادہ مذکور وظائف قانونیہ یی ایفا ایلہ مکلف اولملرینہ کورہ حقیقتك محل وقعہدہ بتمامہا ظهورنی تأمیناً تحقیقاتہ ہر نقطہ نظردن بر اعتنای مخصوص ایلہ کیریشیلہ رك ہیچ بر جہتک مبہم ومشکوک قالماسنہ ومحل وقعہدہ استماع اولنوب جرم مشہود ضبط ورقه سندنہ افاداتی خلاصہ قید ایدیلن کسانك افادات ومعلوماتلرینك درحال اصول استنطاقیہ وجہلہ طوتیلہ جق استجوابنامہدہ احکام قانونیہ یی توفیقاً آریجہ اولہ رق صورت مفصلہدہ ضبط ایدلسی

و آثار جرمك كاملاً ویا قسماً نحو وزوالہ ودلائل قانونیہ نك شکل وماہیتلرینك تغیر واحساسنہ قطعاً میدان براغلامسی وظائف قانونیہ جملہ سندن اولمسیلہ جرائم مشہودہ وقوعندہ اسباب مقبولہ وقانونیہ یی مستند اولقسزین وظائف سائرہ ایلہ اشتغال کچی بہانہلرہ محل جرمہ عزیمت ومحل وقعہدہ وظائف مأمورہ لرینی تفصیلات مسرودہ واحکام قانونیہ دائرہ سندنہ حقیلہ ایفایہ مسارعت ایتدکلری اکلاشیلہ جق اولان مدعی عمومی ومستنطقلر وسائر ضابطہ عدلیہ مأمورلری حقندہ معاملہ قانونیہ ایفا ونظارتہ دخی علی الاصول معلومات اعطاسی لزومی تعمیماً لازم کملرہ ازبار واشبو تحریراتك نسخ مطبوعہ کافہ سی لفاً تسیر قلنمش اولغلہ صور مشروحہ دائرہ سندنہ ایفای وظیفہ یی ہمیشہ اعتنا واهتمام اولنسی سیاقندہ شقہ ترقیم قلندی .

عدلیہ نظارت جلیلہ سندن تسطیر بیوریلان ۲۷ شباط سنہ ۳۲۷ تاریخی تحریرات عمومیہ صورتیدر :

«توتون جزای نقدیلرینہ دائر»

توتون جزای نقدیسندن دولایی حکم اولان مجازات نقدیہ توتون رسوئہ بو سبیلہ عارض اولان نقصانہ مقابل تضمینات شخصیہ نوعندن بولنسی وبو جزای نقدینك عدم تأدیہ سی سبیلہ حکم اولنان حبس جزایی دخی حقوق عادیہ دن دولایی مدیون متمرذلرہ حکم ایدیلان حبس عادی نوعندن وبناء علیہ مدیون متمردی تسویہ دینہ اجبار ایدہ جك وسائط تضییقہ قانونیہ دن کوریلہ رك بو قبیل محکومینك ۸ اگستوس سنہ ۳۲۵ تاریخی عفو قانونندن استفادہ ایدہ میہ جکلری ۲۴ نیسان سنہ ۳۲۷ تاریخی تبلیغات عمومیہ اقتضاسندن ایسہدہ بونی مقدم اولان محکمہ تمیزہیئت عمومیہ سنك ۶ نیسان سنہ ۳۲۷ تاریخی اعلامندہ رژی اداره سنك حقوق شخصیہ سی یالکیز جزای نقدیہ منحصر اولوب حبسہ متعلق اولان مقرراتك حقوق عمومیہ جملہ سندن اولسنہ بناء قانون مذکور حکمنہ داخل اولہ جنی کوسترلسنہ ولایم الانباع اولان قرار مذکورہ قارشو تبلیغات واقعہ سنك برطرف اولہ جنی طبیعی بولنسنہ نظراً بعدما حالات مماثلہدہ قرار مذکور دائرہ سندنہ معاملہ ایفای ضروری بولنمش وکیفیت ایجاب ایدنلرہ تعمیماً تبایغ واشبو تحریراتك نسخ مطبوعہ کافہ سی لفاً تسیر قلنمش اولغلہ اوراجہدہ آکا کورہ ایفای معاملہ اولنسی

— افاده —

غايه تأسيسى حكام ومأمورين عدليه ايله منتسبين حقوقك تنوير افكار وتزويد وقوف ومعلوماته معطوف اولان جريدة عدليه به بو نسخه دن اعتباراً هر هانكى بر دعوای مهمك بدايه ، استينافاً وتميزاً جريان ايدن محاكمات وتدقيقاتى نتايجنى تضمن ايدن ضبط نامه لره اعلاماتك متسلسلاً درج ونشرى صورتيله قارئينك انظار تدقيقى اوكنده بر ساحه وسيع تتبع احضار ايديله چكدر :

بدايت محكمه سى عزاداره سى اعلمانى

در سعادت بدايت محكمه سى برنجى جزا محكمه سنك ۳۱ مایس سنه ۳۲۷ تاريخلى ۱۹۵۵ نومرولى ضبطى صورتيدر :

چهارشنبه ده اوچنجى دائره بلديه اتصاليده دباغ زاده مدرسه سنده ساكن طلبه دن يوسف افندى بن ادريسى ضرب ايتدكلى ادعا اولنان مذكور مدرسه ده ساكن طلبه دن باندرمه لى اون طقوز ياشنده نوح افندى بن ذكريا واون يدى ياشنده طلبه دن رجب افندى بن حاجى اوغلى حسين حقارنده در سعادت مدعى عموميلكندن تنظيم قلمنان ۲۶ مارت سنه ۳۲۷ تاريخلى ادعنامه مع تفرعات محكمه به توديع قلمقله لاجل المحاكمه تعيين اولنان ۳۱ مایس سنه ۳۲۷ صالحى كوفى ايجون يازيلان جلبنامه لر اوزرينه يوم مذكورده طرفين بالورود ومدعى عمومى معاونلرندن اخليا افندى محضرنده محاكمه علنيه به مباشرتله اوقوتديريلان ادعنامه مالى نوح ورجب افنديلر يوسف افندى يى ضرب ايتدكلى اخبارات ومعاينه راپوريله ثابت اولديغندن بالمحاكمه تعيين جزالرى طلبى محتوى اولدينى آكلاشلقدن ومذكور ادعنامه مالى معاون مومى ايله طرفندن تكرار ايداكدن صكره صورت ادعاسى صوريلان مدعى يوسف افندى مظنون عليه مان نوح افنديك شماره كندوسنى ضرب ايلديكنى ورجب افنديك دخى چكسه سنه ايله وباشنه تكمه ايله اورارق قامانديغنى بيان ايلكله مظنونلر لى الاستجواب بونلردن نوح افندى مدعيتك آياقده آبدست بوزديغنى كورمكله حيوان كې نچون آبدست بوزيورسك ديهرك كچديكنى وصكره عودتنده مرقومك كندوسنه بر قاج طوقات اورديغنى ورجب افندى دخى نوح افندى ايله يوسف افنديك منازعه ايتدكارينى فقط كندوسى مرقومى ضرب ايلديكنى بالبيان انكار مدعى ايلديلر .

لاجل الشهاده ورود ايدن مذكور مدرسه ده طلبه دن يكرمى بر ياشنده بقال حسن افندى زاده صبرى افنديك مانع شهادت حالى اولدينى آكلاشلقله بالتخليف استماع اولندوقده يوسف افنديله رجبك ديشارى به چيقوب چركسيجه غوغايه باشلادقلىرى واو صيره ده رجب افنديك يوسف افندى به اوچ درت طوقات

وتكمه اورارق يره دوشوردىكنى ويوسفك آغزندن قان كلديكنى كوردىكنى بيان وشهادت ايلدى . اشبو شهادته قارشى نه دينه چكى صوريلان مظنون عليه مان رجب افندى بر طعن درميان ايتمهرك على الاطلاق قبول ايتمه چكى درميان ايلدى . معاينه راپورى اوقوتديرلدوقده يوسف افنديك صاغ وجنه سى طرف قدامى علويتى حذالزنده صدمه وآلت رضيه ايله حصوله ككش خفيف موررنكده بر كدمه وشيشلك كوريلهرك بش كونده ويكرمى بش غروشله التيام بولور مواددن ايدوكنى ميين اولديغنى آكلاشلقله نتيجه مدعاسى صوريلان معاون مومى ايله رجب افنديك يوسف افندى يى ضرب ايتديكنى شهادت ومعاينه راپوريله ثابت اولديغندن بحثله تعيين جزاسنى ونوح افنديك برائتى طاب وادعا ومظنونلر بر ديه چكلىرى اولديغنى بيان وانبا ايللريله ختام محاكمه افهام اولدى .

ايجاب كيفيت لى المذاكره يوسف افندى يى ضرب ايتدكلى ادعا اولنان نوح ورجب افنديلر وكاهلرنده اجرا قلمنان محاكمه نتيجه سنده مومى اليهمان رجب افنديك يوسف افندى يى ضرب ايتديكى شهادت ومعاينه راپوريله ثابت اولديغندن قانون جزاك جرح و ضرب اكر ماده سابقه ده مذكور اولان درجه دن خفيف اولورسه جرح وضارب اولان كيمسه بر هفته دن بر سبه به قدر حبس اولور يا خود بوكا بدل بر مجديه آلتونندن بش مجديه آلتوننه قدر آتجه آلتوب مجروح ومضروبه ويريلير ديو محرر اولان يوز يتمش طقوزنجى ماده سى موجبنجه رجب افنديك بر آلتون آلتورق مدعى به اعطاسنه وزيرده مفردانى مرقم سكران غروش مضارف محاكمه كندوسندن تحصيلنه ونوح افنديك حركتى اصولاً ثابت اوله مديغندن برائتنه قابل استيناف اولق اوزره سا ۱۶ جمادى الاخر سنه ۳۲۹ و ۳۱ مایس سنه ۳۲۷ تاريخنده متفقاً حكم وقرار ويريلهرك ماده قانونيه نك قرائتيله برابر معاون مومى ايله محضرنده علناً تفهيم قلندى .

استيناف اعلمانى

در سعادت استيناف جنجه محكمه سنك ۱۴ كانون اول سنه ۳۲۷ تاريخلى ۱۶۶۶ نومرولى ضبطى صورتيدر :

چهارشنبه ده دباغ زاده مدرسه سنده ساكن طلبه دن يوسف افندى ابن ادريسى ضرب ايتديكى ادعاسيله مظنون عليه اولان مذكور مدرسه دن رجب افندى حقنده در سعادت بدايت محكمه سى برنجى جزا دائره سندين صادر اولان قرارك استينافاً تدقيق ورؤيتى مومى اليه رجب افندى طرفندن استدعا ايلدى اوزرينه اورارق دعوى در سعادت استيناف محكمه سى مدعى عموميلكى مأموريت عليه سنك ۱۲ تشرين ثانى سنه ۳۲۷ تاريخلى مطالعه نامه سيله محكمه به توديع ايلكله اجراي محاكمه سنه مذكورده كانون اولك اون درديجى كونه تعيين قلمشيدى . يوم مذكورده طرفين بالورود استيناف مدعى عمومى معاونلرندن عبدالصمد بك حاضر اولدينى حالده

محاکمه علیه ووجهیه اجرا شده مباشرتاً لای التذقیق حکم اولک ۳۱ مایس سنه ۳۲۷ تاریخده تفهیم واستیناف استدعایک ۲ حزیران سنه ۳۲۷ تاریخده یعنی مدت معینه قانونیه منی ظرفنده اعطا ایدلیدی کلایلیدیندن اوراق لازمه دعوی صرہ سیله قرائت ایتدیرلیدی .

اوراق مذکورده دن اعلام مستأنف بهک خلاصه مالی مظنون علیه رجب افندیک یوسف افندی یی ضرب ایتدیکی شهادت و معاینه راپوریه ثابت اولدیغندن حرکتیه توافقی ایدن قانون جزانک یوز یتیش طقوزنجی ماده سی موجبیه بر آلتون آلنهرق یوسف افندی یه اعطاسنه وسکسان غروش مصارف محاکمه تکحصیلنه قابل استیناف اولق اوزره متفقاً قرار ویرلیدیندن واستیناف استدعایک معینه کیفیتک استینافاً تدقیقی استدعادن و مطالعه نامه مندرجاتی ایسه حکم اولک تصدیقی طابندن عبارت ایدوکی آکلایلیدیندن معترضی مستأنف رجب افندی دن صورلدیده یوسف افندی یی ضرب ایتدیکی کی اساساً شکایتنامه ویرلامش اولدیغندن اوراق مدعی عمومیلکه اعاده سنه قرار ویرلمشی یوسف افندی ده کندیشنی بلا سبب الیه ضرب و مؤخر آ دیواره چاربان رجب افندی حقنده کی حکمک تصدیقی ازارمعاون بک دخی مطالعه نامه مندرجاتی تکرار ولدی السوال رجب افندی بشقه دیه جکی اولدیغنی درمیان ایلدکارندن ختام محاکمه افهام اولندی .

ایجاب کیفیت لای المذکره مستأنف رجب افندیک مدعی یوسف افندی یی ضرب ایلدیکی شهادت و معاینه راپوری مندرجاتی ایل مرتبه ثبوتیه اولوب بناء علیه محکمه بدایتک اتخاذ ایلدیکی حکم و قرار اصول وقانونه موافق و مستلزم فسخ خطا و نقصاندن عاری کورلیدیندن تصدیقه و یوز یکریمی غروش مصارف محاکمه استینافیه نک مومی الیه رجب افندی تکحصیلنه قابل تمیز اولق اوزره متفقاً قرار ویرلیدرک ۱۴ کانون اول سنه ۳۲۷ تاریخده معاون بک حضوریه علناً تفهیم اولندی .

محکم دلائل و سبب و احوال

محکمه تمیز استدعا دائره سندن صادر اولان ۱۹ شباط سنه ۳۲۷ تاریخلی و ۳۳۳۳ نومرولی اعلام صورتیدر : در سعادت استیناف محکمه سی جنجه دائره سندن تنظیم و اعطا و ۱۴ کانون اول سنه ۳۲۷ تاریخده امر تفهیمی اجرا قلنان بیک آلتیوز آلتیش سکز نومرولو اعلامک تمیزاً تدقیقی طلبنی حاوی باندرمه لی حافظ رجب افندی جانندن معطی استدعایک و اوراق متفرعه سی باش مدعی عمومیلک مأموریت بهیه سندن بانبلینامه ۷ شباط سنه ۳۲۷ تاریخده محکمه تمیز استدعا دائره سنه تودیع اولنش ولدی التذقیق مذکور استدعایک مدت معینه قانونیه منی ظرفنده اعطا و شرائط لازمه سائرهنک دخی ایفا قلندینی آکلایلیدیندن ایدوکنندن بالقبول تدقیقات تمیزییه اجرا سنه ایتدار ایلدی .

اعلام مذکورک خلاصه مالی طلبدن یوسف افندی یی ضرب ایلدیکی اخبارات و معاینه راپوری دلائل و سبب

ثابت اولان مستدعی حافظ رجب افندی دن قانون جزانک یوز یتیش طقوزنجی ماده سی حکمنه توفیقاً بر آلتون آلنهرق مضروب اعطاسنه دائر بدایت ویربان اعلامک محکوم مومی الیه جانندن استیناف اولنسی اوزرینه اولبالیده اجرا قلنان محاکمه و تدقیقات استینافیه نتیجه سنده اصول و قانونه موافق و مستلزم فسخ خطا و نقصاندن عاری ایدوکنندن بختله تصدیقه قرار ویرلیدینی متضمندر .

تمیز استدعایک سنده قانون جزانک یوز یتیش طقوزنجی ماده معده سی موجبیه مشکی جانندن شکایتنامه ویرلمکسزین اعطای حکم اولنسی مغایر قانون ایدوکنندن بختله اعلام استینافیک نقضی استدعا اولنش و تبلیغنامه ده دخی استینافاً درمیان اولنان اعتراضاتک بالتذقیق اسباب ردیه سی توضیح اولنق لازم کلیرکن شولازمه قانونیه دن ذهول ایله اعتراضات مذکورده کلیاً مسکوت عنه بر اقلمش اولدیغنه دائر تمیز استدعایک سنده سرد ایدیلن اعتراضات مندرجات اعلامه نظراً وارد و مصیب ایدوکی بیانیله اعلام مذکورک نقضی لزومی کوسترلمشدر .

ایجابی لای المذکره مندرجات اعلامدن استنباط اولدیغنی اوزره ضرب ماده سندن مظنون اولان مستدعی تمیز رجب افندیک فعل مذکورده جرأتی عندالحاکمه استماع قلنان شهودک اخباراتی و معاینه راپوری مؤداسیله مرتبه ثبوتیه کوریلیدرک جزا قانونیه سی هاینونک یوز یتیش طقوزنجی ماده سی حکمنه توفیقاً کندوسندن بر آلتون آلنهرق مضروب اعطاسنه دائر لاحق اولان حکم ابتدائیک عندالاستیناف اصابتی بالتقدیر تصدیقی متضمن اتخاذ اولان قرار اسباب موجبیه مستند و اصول وقانونه موافق اولوب سالف الذکر یوز یتیش طقوزنجی ماده نک کرک اصلی کرک معدی مجازات جسمانیه نک مبدأ و منتهاسنی عین درجه ده تعیین و تحدید ایتیش و علی الخصوص ماده اصلیه ده بر ایرادن بش لیرایه قدر محکومیندن لزوم استیفاسی کوستریلن جزای نقدینک ماده معده ده اون ایرایه ابلاغ ایدلمش اولسنه کوره مخفف جزا اولیان ماده معده مذکورده نک ماقبلنه شمولی اوله میه جنی جهته تمیز استدعایک سنده قانون جدید موجبیه مدعی طرفندن شکایتنامه اعطا قلنمادیغنه دائر سرد اولنان اعتراض غیر وارد کورنش ایدوکنندن اعتراض واقعک ردیه قرار استینافی مذکور اعلامک تصدیقه و یوز غروش اعلام خرجنک تعرفه و تعلیمات مخصوصه سنه توفیقاً مستدعی حافظ رجب افندی دن استینافیه ۹ شباط سنه ۳۲۷ تاریخده متفقاً قرار ویرلیدی .

بنای محکمی نظامی

(کچن نسخه دن مابعد)

چیقاروب تکرار فشنگ سوردکدن سوکره بابای مرقوم سلیمانک باشی اوجنه کیتدیکننده (بوبتیرمش) دیهرک واولجه اورولمش اولدینی حالده حرمک اورتیسنده یا تمقده اولان برادری خلیلک یاشنه کیده رک (دهاسن اولمده کی)

دیو سویلوبوب دین و ایماننه کفر ایدره روولورنی خلیک اوزرینه اوچ دفعه انداخت ایتدیکنی فقط بریمی آتش آلیوب دیگر ایکیمی آتش آغله خلیک (اوف یانم) دیو باغردیغی و بو ائشاده کندولری یتشه رک متهم مرقومی دردست ایلر روولور بیجاغنی آلب قوللری باغلامقده ایکن مرقوم خلیک جان آجیسیله قالقوب یردن آلدینی بر قازیقده متهم ابراهیمک باشنه اوردیغی مشاعده ایتدیکنی ونهات متهم مرقومی اساجه سیله بر لکده مختار عثمان آغیه تسلیم ایلدکری و ژاندارمه لر طرفدن بالاخره خلیک ضبط اولان افاده سندز وقعه کرنک کیجه سی متهم ابراهیمک مساج اولدینی حالده یانه کلهرک قاریسنی بوشامدینی حالده کندیسنی قیل ایده جگنی بالیان تهدید ایتش ایدوکنی سویلدیکنی عمر چاوشک و وقعه کونی حرمندن خانه سنه کیمکده ایکن یولده تصادف ایتدیکی متهم ابراهیمک حرمنلره طوغری کیمکده ایدوکنی و کندوسی خانه سنده بولندیغی ائشاده درت بشال سلاح صداسی ایشتمسی اوزرینه درحال حرمنلره کیتدیکنده متهم مرقومک برادری خلیک مجروحاً یاندینی حالده (قراندشم بی یاقدی) دیو فریاد ایتکده ایدوکنی و بوسره ده متهم مرقوم ایلر باباسی سلیمان اوراده بولندقلرندن حرمنک کنارینه کیدوب باقدیغنده مرقوم سلیمانک بر صرک اوبر طرفده مجروحاً یرده یاتمقده و متهم ابراهیمک دخی بر النده روولور و دیگر النده بیجاغی اولدینی حالده کندوسنه طوغری کلکده ایدوکنی و کندوسی مرقوم ابراهیمی طومتی ایتدیکنده روولورنی کندوسنه چورهرک کله سنی ده یقارم دیدیکندن بر اقدیغی و بونک اوزرینه متهم مرقوم حرمنده مجروحاً یاتمقده اولان خلیک دین ایماننه سوکدرک و (بن سکا نه سویلدیم نه اکلاک حالا اولدک) دیهرک بالهجوم روولورنی بردفعه چاقدی ایسه ده آتش آلدیغی و خلیل دخی قورقوسندن امکله رک قاچمه باشلادی صره ده متهم مرقوم روولورنی آرقه سنندن ایکی دفعه دها آتش ایتسیله خلیک یره دوشدیکنی کوردیکنی و بواشاده کندوسی مرقوم ابراهیمی آرقه سنندن و بلندن ضبطه موفق اولمقده اوراده حاضر بولان محمد اونبائی و عمر چاوش و علی دخی یتشه رک مرقومی طوتوب روولور و بیجاغنی اللرندن آلدقنصره قوللری باغلامقده ایکن مرقوم خلیک جان آجیسیله یاندینی یردن قالقهرق آلدینی بر قازیقده ابراهیمک قفا سنه اوردیغی ونهات متهم مرقومی مختار عثمان آغیه تسلیم ایتدکری و متهم مرقومک وقعه دن اوچ کون اول مقتولان مرقومان پدر و برادر یله طارغین اولوب قونوشماز ایدوکنی بیایر ایسه ده سببی لایقیله بیسما دیکنی اشرفک و وقعه کونی حرمننه کیمکده ایکن بش آلتی ال سلاح صداسی ایشتمسی معقب بر قاق کشینک متهم ابراهیمک باباسیله برادرینی اوردیغندن یتشمسی سویلدی اوزرینه درحال مقتول سلیمانک حرمننه کیدوب باقدیغنده مرقوم سلیمانک افاده یه غیر مقتدر اولدینی حالده حرمنی جوارنده مجروحاً یاتمقده و خلیک دخی حرمن ایچنده ینه مجروح اولدینی حالده باغرمقده و محمد اونباشی و علی و عمر چاوش و اشرفک دخی دردست ایتش اولدقلری متهم ابراهیمی باغلامقده اولدقلری کوردیکنی و متهم مرقومی حین در دستلر نده اللرندن آلمش اولدقلری روولور و بیجاغیه برابر کندوسنه تسلیم ایتدکری کبی کندوسی ده متهم مرقومک بلنده بولان فشنکلیکنی

آلدیغی و بوسره ده پدر و برادرینی نه ایچون اوردیغی متهم ابراهیمدن سؤالنده سبب بیان ایتیه رک اولدی بر کره جوابی ویردیکنی و خلیلدن دخی عندالسؤال جارخک قرداشی ابراهیمک اولدیغی سویلدیکنی و متهم مرقوم ابراهیمک وقعه کونک کیجه سی مسلح اولدینی حالده حرمنده بولان خلیک یانه کیدوب فاملیاسی تطلیق ایتسنی تکلیف ایتش اولدیغی وقعه صباحی سلیمانک کندوسنه سویلش ایدوکنی و اندنصره ده وقعه نک حادث اولدیغی مختار عثمان آغاک حضور محکمه ده مع القسم و علی الدرجات اخبار ایتلرینه و مقتوللردن خلیک قبل الوفات ضبط ایدلمش اولان افاده سنده برادری ابراهیمک اون بش کوندنبری فاملیاسی ترک ایتسنی تکلیف ایتسنه قارشو ترک ایتیه جگنی سویلدیکنی و وقعه کیجه سی ساعت اوچ راده لر نده حرمنده ایکن مرقوم برادری ابراهیم کلهرک تکلیف مذ کوری تکرار و ترک ایتدیکی حالده کندوسنی قیل ایده جگنی اخطار ایتسی اوزرینه صباح اولسونده ترک ایدرم دیدیکنی و صباحین پدری و فاملیاسی ایلر حرمنده اوغراشمقده ایکن مرقوم بالورود بن سکا کیجه نه سویلدیم دیهرک بلنده بولان طبانجه سی چقاروب آتش ایتدیکنی و مرقومی منع ایتک اوزره کلان باباسنه دخی آتش ایدره رک قیل ایتدیکنی و بونک اوزرینه مرقوم ابراهیمک اهالی طرفدن دردست ایدلیدی کبی کندوسیده خانه سنه کیتورلدیکی و کندوسندن بیوک اولان مرقوم ابراهیمک عسکره کیدوب عودتنده کندوسنی متأهل کورمه سنندن حسد ایدره رک فاملیاسی ترک ایتسنی تکلیف ایتدیکنی و کندوسی تکلیف مذ کوری رد ایتدیکندن بوایشه جراث ایتدیکنی بالیان علایق دنیو یه دن قطع امید ایتش اولدینی بر زمانده مرقوم ابراهیمه حصر و تخصیص دعوی ایتسنه و متهم مرقومک تحقیقات اولیه واستطاقیه ائشاسنده وقعه دن درت کون مقدم برادری خلیک زوجیه سی امینه ایلر چاشیرلری بیقامدیغندن رایش یامدیغندن طولانی منازعه ایتدیکنی و جمعه کیجه سی ساعت ایکی راده لر نده یالکیز اوله رق حرمنده بولان خلیک یانه کیدوب فاملیاسی امینه ایلر منازعه ایتدیکندن بالبحث مزبور می بر قاق کون کوبنه کوندرمسی سویلسیله مرقومده کوندرجکی جوابی ویردیکنی و قرداشی جمعه کونی حرمنه کیده رک مرقوم برادرینه خطاباً (اقشام بن سکا نه سویلدیمدی) نه اوله جیق دیدیکنده مرقومک فاملیاسی کوندرمیه جگنی بالیان دیگر نه اوزرینه یورودیکی کبی بوسره ده باباسی ایلر مزبوره امینه دخی یتشوب کندوسنی ضرب ایتکده باشلادقلرندن و کندوسی ده سرخوش اولدیغندن بلنده کی روولور بونک یره دوشدیکنی و روولورنی یردن آلدیغی بیلور سه ده آندن صکره جریان ایدن احوال بیلمدیکنی و قویونلرک یاننده بولندیغی جهته روولور ایلر بیجاغی فشنکلیکک یاننده ایدوکنی سرد ایلر کیفیت جرح و قتل تأویلاً و طوعاً اقرار و اعتراف ایلش اولدینی حالده حضور محکمه ده وقعه کونی خرمن محلنده کیتدیکنده برادری خلیک باباسی سلیمانک سوزلری دیکله مدیکندن بالمنازعه یکدیگری اوردقلری بالیان مابین افادانه بولمسنه و مقتوللردن سلیمانک اوک طرف و خلیک آرقه جهتندن انداخت اولنوب اصابت ایدن قورشونلردن متأراً وفات ایلدکری اولباده کی معاینه راپورنده محرر بولمسنه واشبو راپور ایلر ضبط و رقه سی مندرجاتی صورت جریان وقعه نک صفحاتی مصور اولان احوال و شهادات مبسوطه بی تأیید ایتسنه و متهم مرقومک مذ کور قتل فعللری تام الشعور اولدینی بر زمانده ایقاع ایکی بیمارخانه طباسی طرفدن معطی راپورده صراحة کوسترلمسنه و دلائل و امارات مشروحه یه قارشو مدافعه و کیلنک احوال موجوده نک حکم ایچون کافی اولدینی و مذ کور راپورک موکلنک

جنتی ایما ایدر صورتده اولدینی خصوصاً سندن عبارت اولان مدافعاتی غیر وارد بولمسنه و کړک شهادتک
شهادتندن کړک مقتوللردن خلیک بیاناتندن آکلاشدینی و متهم ابراهیمک دخی جله اعترافندن بولندینی
وجله متهم مرقومک وقعه دن بر قاج کون اولندن بری مقتوللردن برادری خلیک زوجیه سی یوزندن متولد
اغبرار سوق والجالسیله مقتوللره مکالمده بولمیه جق و سفرملرنده اوطورمه جق صورتده عداوت و منافرت
حاصل اولسی واشبو خصومت سابقه سیله برادر مقتول خلیله زوجیه سی تطبیق ایتسی لزومی بالتکلیف
عکسی تقدیرده قتل ایله تهدید ایتسی و تکلیف واقعک ترویج اولدینی کورنجه وقعه کونی بیچاق و روولورایله
مسلح اولدینی حالده افراد عائله سنک ثمره مساعیلرینی اقتطاف ایلك ایچون خرمن آقطارمه قله مشغول بولان
و برادرینک یاننه کیده رک تکلیف مذکور ی تکرار ایله جواب آلمه انتظار ایتکسزین حامل اولدینی
روولورینی اشهار ایده ک مرقومانی جرجه ایتدار ایلمسی و انداخت ایتسی اولدینی روولورینی تکرار طولدر-
دقدن صکره خرمن ایچنده مجروحاً یا تمقه اولان برادری خلیک یاننه عودتله کفر ایده رک ودها اولمگهی
دیه رک قورقوسندن امکلیه رک قاجق ایسته ی مرقوم خلیله قارشو روولورینی اوچ دفعه ده انداخت ایدوب
آتش آلان ایکی قورشون ایله دخی جرجه دوام ایتسی متهم مرقومک برادری خلیک قتلنی اولجه تصور
و نصیم ایتسی اولدینه قطعیاً دلالت ایتسنه منی متهم ابراهیمک انکار و تأویلاتی دخی واهی بولندیغندن
والحاصل متهم مرقوم ابراهیمک اوچ یوز یکریمی آلتی سنه سی آغستوسنک یکرمنجی جمعه کونی ساعت آلتی
راده لرنده کبوزه قضاسنه مربوط طاش کوپری ناحیه سنه ملحق قره کوللی دیواننک خیرالدین قریه سی
جوازنده کی خرمن محله برادری خلیلی تعمداً و بوا ائنده بابایی سلیمانی دخی من غیر تعمد جرح و قتل
ایلدیکی بالاده تعداد اولنان دلائل و قرائن قاطعه دن متحصل قناعت وجدایه ایله مرتبه ثبوت واصل
اولدیغندن مرقومک اولوجهله مجرمینه و جاهلاً و متفناً قرار ویرلدی .

محاکمه اوطه سنه عودتله قرار مذکور علماً قرائت و بیان اولندقه معاون مومی الیه مجرم ابراهیمک
قانون جزانک یوز یتیمنجی ماده سنه توفیقاً تحدید جزاسنی طلب و ادعا و مدعی شخصی حمدی دخی برادری
مرقوم ابراهیمک اعدا منه قرار ویرلمسی و مدافعه و کیلی موکلنک تحفیف جزاسنی استدعا و مجرمده دیه جکی
اولدینی انبا ایلمرله بوباده کی محاکمه نک دخی ختام بولدیغنی بالانهم تکرار مذاکره اوطه سنه کیدلدی .

جهت جزاییه سی حقنده دخی مذاکره کیفیت اولدقه هیئت حاکمه دن بر ذاتک مجرم ابراهیمک
مرتکب اولدینی فعل و حرکتک قانون جزانک یوز یتیمنجی ماده سنک فقره اخیر سنه موافق اولدیغندن
بخله فقره مذکوریه توفیقاً اعدامی رأینده بولمسنه قارشو درت ذاتن قانون مذکورک برکیمسنه تعمداً قاتل
اولدینی قانوناً تحقق ایلمسه قانوناً اعدا منه حکم اولنور عباره سی ناطق اولان یوز یتیمنجی ماده یه مطابق اولدینی ماده
مذکوریه تطبیقه اعدامی رأینده بولمسن اولدق لردن مجرم مرقومک حرکتک مذکور یوز یتیمنجی ماده یه تطبیقه
اکثریتله و فقط لزوم اعدا منه و بالجهله مصارف محاکمه اولان جماعاً سکیز یوز اون غرو شک دخی کندوسندن بالتحصیل
تسلیم وزنه ایتدیرلمسنه اتفاق ایله و جاهلاً قرار ویرلدرک محاکمه اوطه سنه عودتله قرار مذکورک دخی جانب ریاستدن
علناً متن قانونک قرائتله برابر امر تفهیمی اجرا و اصول محاکمه یه عین اولان معاملات اثره قانونیه تمامیه ایفاقلندی .

قسط سیمین

مدافعه و مقابله دائر

[مابعد]

حیاتنه تعرض اولنان کمسنه کندینی مدافعه ایتک احتیاجنده بولنور و بو تقدیرجه مهاجمک حیاتی ازاله
ایدرایسه بونی کندی حیاتی محافظه ایچون یابمش دیمکدر حالبوکه برمالک مدافعه سنه اصلاً احتیاج یوقدر .
برمالک متصرفی پک بیوک بر ضرر کورمکسزین قوه مجبریه قارشو مالی تسایم ایدر و صوکرده دن غاصب
و سارق علیهنده تعقیبات عدلیه اجرا سنه قیام ایده بیلیر . برده غصب و سرقت اولنان مال نه قدر ذقیمت
اولور ایسه ارسون بونک ایچون بر آدمک قتل جانز اوله بیلیرمی ؟ انسانده ملکیت حسی محافظه حیات
سائق طبعیه سی یوقدر قوتایمیدر و وجدان نوع بشر هر ایکی جهندن طولای انسانده عین حقوقک موجود
اولدینی تصدیق ایده بیلیرمی ؟ شبهه یوقدرکه بر متصرف مالی الندن قاچیرماق ایچون ید اختیارنده اولان
بالجهله و سائط مقاومتی استعمال ایده بیلیر لیکن سارق طرفندن کندی حیاتنه قارشو بر فعل مؤثر ایتقاع
اولندقه سارقک حیاتنه سوء قصد ایده من چونکه متصرف بر کمسه حقنده تعیین جزا حقنه مالک دکلدر
آنجق کندیسنک حقوق تملیکه سندن منبعث اولان محافظه اموال حسنی حائز اولدیغندن طولای اموالی
الندن آلمه سی ایدنلری دفع و یا خود توقیف ایده بیلیر ایسه ده بویولده و قوعبولان مقاومت ایله قتل نفوس
پننده فرق عظیم وارد فقط شوراسنی تکرار ایدرمکه سارق ایتقاع سرقتله برابر مسروق منهک حیاتنه ده
تعرض ایتدکاری تحقق ایلدیکی تقدیرده بونلرک تجاوزی بالیکز امواله قارشو اولیوب بوخصوصده اشخاصک
حیاتی دخی تملیکه یه القا اولمشی اوله جغندن مدافعه مشروعیه توسل ایتک حق ظاهر اولور ایتسه شواساس
معقوله یه بناء قانون جزانک قرق ایکنجی ماده سی ذیانک فقره ثانی سنه جبر و شدت اجرا سیله و قوعبولان
نهب و سرقت انساننده و یا خود بر شخصک اراده و اختیارینی خللدار ایده جک درجه ده بر ضرر عظیمی
مؤدی اولان سرقتلرده سارق وناهیلرک صورسائر ایله دفعی و مالک استرداد ی ممکن اولمادینی حالده کندیسنی
مدافعه و فی الحال مالی و یاید محافظه سنه بولنان اموالی تخلیص و استرداد ایچون ایتقاع ایدیلان افعال جرم
عد ایدلر دینیایورکه اتنای سرقتده سارقله قارشو اختیار اولنه جق قتل و جرائم سائر نهک معفو اولسی
ایچون سرقت و نهب اموال فعللرینک جبر و شدت استعمالیه ایتقاع ایدلش اولسی و یا خود مسروق منهک

اختیارینی خلددار ایده جک درجده فعل سرتک بر ضرر عظیمی مؤدی بولنسی و بوجه ایله برابر مسروق منهک نفسی مدافعه یده مجبوریت کورمسی شرط اتخاذ ایدیلور. ناموسه تجاوز متجاوز علیه ایچون مدافعه مشروعه حقی تولید ایدوب ایده میه جکی حقوق جزائی علماسی بیننده موجب اختلاف اولان مسائلند بر بونک حلی ایچون ناموسه تجاوزندن عبارت ایدوکی نظر تدقیقندن کچیرمک اقتضا ایدر. بالاده مقابله بخشنده بیان اولنلینی وجهله لساناً وقوعه کلان عادی حقارتلر ضرب و جرح و قتل فعللرینک فاعلانی معذور کوستره جک ماهیتی حائر تحریکات جمله سندن دکلدر بوحالده اشبو حقارت فعللرینک مستلزم معفویت اولاملری اولویتده قالیر. آخر کمنه یه بر توقات اورمق کبی مادی حقارتلر بولنری تعقیب ایدن قتل و جرح فعللرینه مخصوص جزالری تخفیف ایدن تحریکات جمله سندن معدود ایسه ده معفویتی مستلزم اولماز کک لساناً وقوعه بولان عادی حقارتلردن و کک ضرب و جرح کبی مادی حقارتلردن طولانی ناموسه خلیل کلدیکنی ادعا ایدن کمنه لر محاکمه مراجعت ایدرک استحصال حقه و دوچار اولدقنری ضرر مادی و معنوی بی تعمیره موفق اوله بیلیرلر. فقط اخلاص ناموس جبراً فعل شذیع اجرایی و یاخود فعل مذکوره تشبیه قضیه سی کبی عرضه تسلط صورتیه وقوعه کتیرلیدی تقدیرده بوندن متولد ضرر معنویک تعمیری غیر قابل واولوم بیللر اکا مرجع اولدیغندن بو خصوصده محکمه به مراجعت قاعده سی کفایت ایتیز بوقیفت یا لکز ضرر مادی بی مستلزم بر حقارت اولیوب، بلکه انسانک حیاته تعلق ایدر بر سوء قصد دیمک اولدیغندن اکا دوچار اولان شخصک مدافعه مشروعه حالده بولنه جغه شبهه ایدیلر من فی الحقیقه بر قادینک عقی کندی نظرند حیات درجه سنده قیمتداردر آتی حیانتک محافظه سینه سوق ایدن سائق طبیعی مدافعه ناموسه ده اجبار ایدر. ایشته کوریلور کبو خصوصده محکمه به مراجعت ایلر تعمیری قابل اوله جق بر ضرر مادی موجود دکلدر بو جهته بر مغدوره قادینک بتون مدت حیاتی شائبه دار ایده جک بر لککک حدونه مانع اولق ایچون ایقاع اوله جق فعل قتل مذکور قرق ایکنجی ماده ذیلک فقره اولاسی موجب ججه مباح و فاعلی جزادن معذور.

مدافعه مشروعه نک ایکنجی شرطی آنک لزوم حقیقی به مبتنی اولمیدر مدافعه ایقاع اولنان تعرض ایلر متناسب اولق اوزره حالاً موجود اولان بر تهلهکک ازاله سی مقصدینه مستند اولدقجه لزوم حقیقی به مبتنی صایلماز. حق مدافعه حالاً موجود بر تهلهککک دفعی ضرورتیه برابر تولد ایدر.

مؤاف مشهور بوفاندورف تهلهککک حالاً موجود و بر آن غیر منقسم داخلنده مندرج اولق و متجاوز اولان شخصک تعرضی بر صورتله نهایت بولننی کبی مدافعه زمانی کذران اولاش صایلمق اقتضا ایدر دیور ایشته شو قاعده به بناء بزم جزا قانوننک آلتش ایکنجی ماده سی ذیلک فقره اولاسنده بر تعرض ناحق فی الحال دفع ضرورتیه ایقاع اولنان فعل. عد اولماز دیه محرردر بو جهته بر کمنه آخرینی قتل ایلر تهدید ایتش اولسه بیلر تهدیده دوچار اولش اولان کمنه نک تهدیدی اجرا ایدن کمنه بی قتل صلاحیتی یوقدر چونکه بو خصوصده تهلهکک آتی اولیوب مستقبله مضاف اولدیغندن حالاً مدافعه بی استلزام ایده جک

بر کیفیت یوقدر. تهلهکک آنجق متجاوزک النده سلاح اولدینی حالده نیتی میدان علانیه قویه رق متجاوز علیه طوغری ایلرلیدیکی دقیقه ده وجود بولور بو حالده آنک تمامیه ایلری کلسنی بکله مک حاجت یوقدر مثلاً بر آدم النده سلاح بولنلینی حالده کننلینی قتل ایچون کلدیکی روش و اطوارندن آکلاشیلان دیگر بر آدمی کوردیکی و متجاوز علیه کک التجا ایده جک بر یری اولمینی حالده کننلینه ده زیاده یا قلاشمغه و قورشون منزله داخل اوله رق کننلیندن ده اول استعمال سلاح ایتنه میدان براقسزین او کمنه اوزرینه روولورینی آنوب قتل ایتنه صلاحیتی واردر زیرا مدافعه نک مشروعه سبب اولان شی ضرب و جرح دکل آنجق تعرضدن تولد ایدن تهلهککک در بناء علیه بو مثللو احوالده اثباتی اقتضا ایدن شی بو تعرضک موجود و تهدید آمیز اولمیدر. بر کره تعرض منافع اولدینی کبی حق مدافعه دخی درحال زائل اولور چونکه تهلهککک منافع اولدینی کبی آرتق اکا احتیاج قالمز حیات انسانیه نک محافظه سی مقصدیه قانون مدافعه بی تجویز ایدیلور ایسه ده اخذ ناره مساعده ایتیز متجاوزه جزا تعیین ایتک محاکمه عائد اولوب هیچ بر وقت متجاوز علیه راجع دکلدر. والحاصل متعرض ککک علیهنده وقوعه بولان هجوم ایلر دفع ایدلش اولسون و ککک کننلینکندن چکلش بولنسون متعرض علیه آتی قتل و یا جرح ایچون تعقیب ایده من. شوراسی ده اونوتیمه لم که مدافعه تعرضک درجائیه متناسب اولق لازم کلیر اکر تعرضی دفع ایچون کافی بولنان درجه بی تجاوز ایلر ایسه مشروع اولماز. مثلاً بر کمنه حقسز بر تعرضه معروض بولنلینی تقدیرده خصمنک یدنده سلاح یوق ایکن کننلینی قتل صالح بر سلاح استعمال ایلر و یاخود خصمنک یدنده سلاح وار ایسه ده کننلینی استعمال سلاح ایتنکسزین آتی دفع ایده بیلر ایکن سلاح ایلر مدافعه ایلر و یاخود الندن سلاحنی آلدقن و کننلینی اضرار ایده میه جک بر حاله قوبدقن صوکره مرقومی جرح ایدر و یاخود متعرض فرار ایتدکن صوکره تکرار عودت ایتسی مأمول اولمینی حالده آتی تعقیب و قتل ایلر ایسه تهلهککک زائل اولدینی دقیقه بی تعقیب ایدن احوال مذکوره ده مدافعه مشروعه موجود دکلدر بالعکس افعال مذکوره نک ایقاعندن طولانی فاعلی متجاوز عد اولنور و قانوناً مسئول اولور. بر کمنه حیاتی تهلهککک القای ایده جک بر تجاوزه دوچار اولدینی صورتده قرار ایدرک متجاوزک یدندن تخلیص کریمان ایتک قابل اولدینی حالده فرار ایتیه رک خصمنه مقاومت ایدر ایکن آتی قتل ایتش اولسه بو وجهله ایقاع ایتدیکی قتل فعلنه مدافعه مشروعه نظریله باقیلوب باقیلمه جنی خصوصده علمای حقوق جزائی بیننده اختلاف وارد بعضیلری دیورلر که هر بر انسان آدم قانی دوککدن ممکن مرتبه خنر ایتیلر و لزوم قطعی تبیین ایتدکجه بویه بر فعل معفویتی مستلزم اولمایدن حیاتی تهلهککک القایدن بر تجاوزی بر صورتله دفع ایتک ممکن ایکن اکال ناموس ادعاسیه اکا قارشو مقاومت و اصراره شتاب ایدن کمنه اولسه اولسه تدبیر سزجه حرکت ایتش اولور. فقط بویه بر تدبیر سزک مدافعه بی غیر مشروع عد ایتدیره جک قدر خطا آلود بر حرکتیدر؛ بوکا خطا نظریله باقیلمه جنی درکاردر قانون هیچ بر کمنه یه بویه آغیر و طاقت کذار وظائف تحمیل ایتیز

مدافعه نك مشروعتی قبول اولنه بيلمك همچون تعرض واقعت بر كسنة نك حیاتی تهاكیه قومیسی كفايت ايدر بو حق مدافعه ذات تعرضدن و آنك حاصل ایتدیكى تهاكیدن تولد ایدوب مدافعه به مجبور اولان كسنة نك او تهاكیه بالذات نفسی معروض قيلمش بولمسی نه تعرضك ماهیتی ونه ده تهاكیه نك اهمیتى تغییر ایتیه چكى كبی مدافع طرفندن كوسه تریلان مقاومتك تحریكى منتج اوله جنى ده ادعا اوله ماز . زیرا بر جانی طرفندن وقوع بولان تعرضه قارشو اختیار فراردن امتناع ایتك او جانی ایقاع جرمة تحریك دكلدر .

اشبو برنجی نظریه نك معقول اولدینی قبول اولنسه بيله آنی تعرضك برنجون ویا بر سرخوش ویا چو جق ویا خود بر كسنة نك دیگرینه بکزه تهره یا ككشقله آكا تجاوز ایدن پولیس مأمور وژاندارمه ضابطلری طرفندن ایقاعی صورتنده موقع تطبیقه قومیق مشكلدر بو كبی احوالده قرار ایدرك تعرضك نتایج مضره سندن قورتيلمق واجب اولور . دیگر بعض علما دیورلر كه متجاوز علیه بلا تهاكیه فراره مقتدر اولدینی تقدیرده قالجیدر چونكه بوكی احوالده فرار معیاندن اولدینی جهته حتی صفت عسکریه یی حائز اولان بر كسنة نك بيله ناموس و حیثیتی اخلال ایتز چونكه بوفرار دنائت ویا خود ایقاع وظیفه دن امتناع نتیجه سی اوله رق اختیار اولنیور بلکه ارتكاب جرمة تصدی ایتسندن طولانی تعیین جزاسی محاکمه عائد اولان بر همشهری یی قتل ایتكده بر كونا شجاعت حقیقه موجود اولدینی زه تعلیم ایدن عقل و حکمته توفیق حرکت همچون اختیار اولنیور بناء علیه بوله بر تعرضه دوچار اولان كسنة فرار ايله تحرز ممکن ایکن مقاومت قیام ایدرك متعرضی قتل ایدر ایسه حقنده ایجابنه كوره قتل جزاسی ترتیب اولنور . بزم قانون جزا بوايكنجی قولى اختیار ایتشدرد . یوقاریدن بری بیان ایتدیكمز قاعده لری تطبیق همچون انشای تعرض و مدافعه ده ظهوره کلان احوال متنوعه یی و علی الخصوص متجاوز علیه یالکتر لغی و بولندینی موقی و قوه بدنیه سی و طبیعت مخصوصه سی نظردقته آلق اقتضا ایدر فی الحقیقه مدافعه مشروعه یی تشکیل ایدن کیفیت تهاكیه نك حاکم نظرندگی درجه اهمیت دكلدر بالعکس متجاوز علیه نك نظرندگی تهاكیه نك حائز اولدینی اهمیتدن عبارتدر . ایسته بوا ساسه بناء متجاوز علیه كرك خوف و خشیت وضعف مغویسی و كرك قوه محاکمه سی ضلالت دوشوران احوالی حاکم دائما نظراعتباره آلمیدر . اگر متعرض حیاتك تهاكیه معروض قالدینی صحیحاً ظن و تخمین ایتش ایسه بو ظن و تخمین کنیدیسی جزادن تخلص ایدر و مدافعه یی مشروع عد ایتدیرر . حاکم بوباده کی وظیفه سی متجاوز علیه فكر نجه لزوم مدافعه نك انقطاع ایتدیكى و آنك اوزرینه متجاوز علیه حیاتی تأمین همچون اولیه رق آنجق اخذ نار ویا خود ترتیب جزا همچون مبارزه ایلدیكى نقطه یی تعیین ایتكدن عبارتدر .

مدافعه نك مشروعتی استلزام ایدن اوچنجی شرط تعرضك حقسنز اوله رق وقوع بولش اولمیدر . قتل ویا خود جرح فعللری قانونك ویا خود حكومت مشروطه نك امریه ایقاع اولنور ایسه مقارن حق عد اولنور بر عصیان انساننده قوه مساحه طرفندن عصا تندن بعضیلرینك قتل و اعدام جزاسنه محكوم بر كسنة حقندگی حكیمك اجراسی بوقیلدندرد . بوجهته عصا میاندن بولان بر كسنة ویا خود شریك تهملری و جزای اعدامه

محكوم اولان شخص ايله میدان سیاستده حاضر بولنن دیگر كسنة بر بوائنده ارتكاب ایتدكلى جنحه ویا جنایتلرك مغفوبیتی استحصال ضمننده كندیلرینك ویا خود دیگر اشخاصك حیاتلری تهاكیه القسا اولدینی درمیان ایدر جك اولسولر اشبو مدافعه لری اصلا مسموع اولماز بولرك بو یولده مدافعه نفسه قیام ایتلری احكام قانونیه یی اجرابه مأمور اولان كسنة لره قارشو عصیان دیمك اوله جندن بو حرکتلری ده بشقه جه بر جرم تشکیل ایدر . شخص متعرضك تعرضی حقسنز اوله رق ایقاع ایتدیكى ادر اك ایتسی لازم گلر مثلا مجنون ویا بلید بر شخص كندی طرفندن ایقاع اولنن تعرضك حقسنز اولدینی ادر اك ایدر من . بوضو رتده تعرضك حد ذاتنده حقسنز اولسی كفايت ایدر . لکن كانه احوالده تجاوزك حقلى ویا خود حقسنز اولدینی فرق ایتك قولای دكلدر بونی ایضاح همچون فرض ایدر كه بر شخص طرفندن ایقاع اولنن افعال مؤثره نتایجندن اوله رق دیگر بر كسنة دوچار تحریك اوله رق اخذ نار اوزوسنك غلبه سینه بناء كندیسی ده شخص مرقومه قارشو ایقاع ایتدیكى بر فعل مؤثر نتیجه سنده اوشخصك حیاتی تهاكیه دوشمش اولسون ابتداء تعرض ایتش اولان اشبو شخصك مدافعه مشروعه حالنده بولندیغه قائل اوله بیلیر میز ؟ بومسئله به جواب ویرمك همچون ابتداء تعرض ایدن شخصك متعرض علیه حیاتی تهاكیه القسا ایدوب ایتدیكى ویا خود مقصدی آنی تحقیر ایتكدن عبارت اولوب اولدینی تدقیق ایتك لازم گلر زیرا ایکی تقدیرده طرفینك حال و موقی مساوی دكلدر . برنجی صورتده متجاوز علیه مدافعه مشروعه حالنده بولنور و خصمنه قارشو بر جرم ایقاعیه كندیسه عائد بر حق استیفا ایتش اولور و كوستردیكى شدت مشروع اولور . متجاوز ایسترایسه فرار ایدرك تخلص نفس ایدر بیلر فقط فرار ایتوب نه مقاومت قیام و بوائنده قتل فعلی ایقاع ایدر جك اولور ایسه فعل مذكوری حیاتی محافظه همچون می یوقسه اولجه تصور و تصمیم ایتدیكى بر جنایتی اكمل همچونمی اختیار ایتدیكى نصل فرق ایتلی ؟ انشای قتلده شخص مرقومك حرکی تجاوزی ویا خود تدافعی اولدینی تقدیر همچون منازعه نك صفحات مختلفه سی تفریق ایتك می لازم گلر ؟ حالبوكه شخص مرقوم كندی حیاتی مدافعه همچون فعل قتلی ایقاع ایتدیكى فرض ایدر جك اولسولر بيله فعل مذکور كندی تعرضك نتیجه سی دكلیدر ؟ شخص مرقوم از چوق سی ایدرك تصدی ایتدیكى جنایتی اكمل ایتش اولور بوائنده دوچار اولدینی تهاكیه كندی حرکتك ماهیتی تغییر ایتز ایكنجی صورتده متجاوز علیه حال و موقی تبدل ایدر متجاوزك مقصدی تحقیردن عبارت اولدینی آكلاشدینی كبی قانون متجاوز علیه متجاوز قارشو معامله شیده ایقاع ایدرك بالذات استیفاى حقوق ایتسنة مساعده ایتز قانون آنی معذور كورور ایسه ده مغفو طوماز جزاسی تخفیف اولنور فقط بسبتون مجازاتدن قورتيله ماز . متجاوز علیه اختیار ایتدیكى معامله شیده حقارتی تشکیل ایدن فعل مؤثر ك درجه نی تجاوز ایتدیكى كبی حقسنز بر تعرض حكمنه كیرر و بوضو رتده ابتدا تجاوز ایدن شخصك مدافعه ایتك حق ظاهر اولور آنك ارتكاب ایتدیكى خطا حق طبیعیه سی ازاله ایتز چونكه مرقوم یالکتر تحقیردن طولانی مسئولدر حقارتده دوچار اولان كسنة نك مدافعه همچون اختیار افراطه احتیاجی اولدینی بر صروده مفرطانه

حرکت ایتیمی کندینه عائد برخط اولوب نتایجی خصمنه تحمیل ایدمن بناء علیه اگر خصمی مدافعه لوازه نی
متجاوز ایتامش ایسه معفویت ایدمیلیر و یالکز اثنای تحریکنده ایقاع ایتیمش اولدینی ایلاک معامله شدیده دن
ولای مسئول اولور .

برکسینه زوجه سنی و یا خود دیگر محارمندن برینی برشخص ایله فعل شذیع زنا حالنده کوردرک برینی
و یا خود ایکسینی بردن ضرب و یا جرح و یا قتل ایلسه معفو اوله جنی قانون جزانک یوز سکسان سکرنجی
ماده سننده مسطور اولدیغنه نظراً آخرک زوجه سیله فعل شذیع زنا ارتکاب ایدن شخص جرم مشهود حالنده
طوتیلوب زوج طرفندن تئله تصدی اولدینی صروده بالمداغه زوج مرقومی قتل ایتدیکی صورتده دخی
عین مسئله وارد اولور . بومسئله مهاجمک استعمال ایتدیکی حقه ماهیتی تعیین ایله حل اولور یعنی یوقیلدن
برفعل شذیع اجرا ایدن شخص جرم مشهود حالنده طوتیلدینی تقدیرده زوجک انی قتله صلاحیتی وارمیدر
یوقیدر ؟ قانون زوجی معفو طوتیور اوله اولنجه زوجک شخص مرقومی قتله صلاحیتی واردر بناء علیه
زوجک فعلی حقسن بر تعرض دکدر بوحالده بوکا قارشو مدافعه ایقاع اولان بر جرم تمامیه مستلزم جزادر .
حالبوکه ماده مذکورنک ایکنجی فقره سننده اگر برکسینه زوجه سنی و یا خود محارمندن برینی برشخص ایله
فراش غیر مشروعه کوروبده برینی و یا ایکسینی بردن ضرب و یا جرح و یا خود قتل ایتسه معذوردر
دنیلمسینه نظراً قانون بوحالده زوجک معذوریتنی قبول ایتمکه برابر حرکتی مستلزم جزا ایدیور
و بوحالده زوجک زوجه سیله فراش غیر مشروعه بولان شخصی قتل ایتیمی تمامیه قتلی کورمیور و شخص
مرقومک خطاسی هر نه اولور ایسه اولسون قتله مستحق اولدینی آکلاشیلیور شو حالده کندیسینه قارشو
وقوعبولان تعرضی دفع ایچون ایقاع جرمه صلاحیتی واردر و اگر محافظه حیاتی خصمنک تئله منوط ایسه
انی ایقاع ایتسینه مانع اوله جق برینی یوقدر . برکسینه ایچون مدافعه مشروعه یه توسل یالکز کندیسینک نفسینه
و یا عرضنه قارشو وقوعبولان بر تعرض ناحق دفع ایچون موضوع اولوب آخرکسینه نک نفسینه و عرضنه قارشو
وقوعبولان حقسن بر تجاوزی دفع ایچون دخی اشبو معامله استثناییه مراجعت مستلزم جزا اولماز زیرا
نوع بشر اعضای بدن کی یکدیگرینه مربوط اولوب افراد جمعیتدن یالکز بر فرد قارشو وقوعبولان بر
تعرض ناحقندن طولانی بالجه افراد متأثر اولور .

عمرانه

قانون جزانک مواد قائمه و معدله سی شرحی

(مابعد)

دیگری برکسینه حقارتدوچار اولدندن صکره کندیسیمده بالمقابله حقارت ایتیمی که بزبحاله ترکجه قارشو لشمق

دیرز . مثلاً زید عمروه چاندندن صکره عمروکده اکا قارشو سوکوب صایمه سی کی (زید عمروه شتم ایتدکده
عمرو دخی زیده سن سک دیوب تکافو ایلسه لر تعزیر لازم اولماز . فتاوی علی افندی)

اوجنجیسی رضیه ویرلمش و قبول ایدلمش اولسی ، مثلاً زید عمروی تحقیر ایتدکدن صکره بعض مصالحونک
توسطیله زید عمروک خانه سینه کیدوب استغفای قصور و عمروکده عفو ایلسه قرار ویرلمش و اولوجهله اجرا
ایدلمش اولسی کی .

ایشته بومثللو احوالده محکمه طرفینک یا خود یالکز برینک جزاسنی ثلثدن یکی ثلثه قدر تزیل و کاملاً ده
اسقاط ایدمیلور . (فقره ۱۰) شو قدر وارکه کرک تخفیف و کرک اسقاط جزاده هانکی طرفک سببیت
ویردیکنی نظر اعتباره آلمق لازمدر . شویله که یالکز برینک عفو و یا تخفیف جزاسی یولنه کیدیله جک اولور
ایسه اونک سببیت ویرن طرف دکل دیگر طرف اولسی طبیی در .

اشبو ذم ، قدح ، اطاله لسان الحاصل هر درلو حقارت جرائمندن دولانی تعقیبات اجرایی متجاوز
علیهک اصولاً دعوی شخصی اقامه سینه متوققدر . یعنی متجاوز علیه طرفندن استعدا ویرلمدکجه مدعی
عمومی رأساً اقامه دعوی ایدمن ، ولو متجاوز علیه مأموریندن اولسه ده . بوقاعده نک سبب و حکمتی
اودرکه بوکی جرائمک جزالیدرلمسی حقوق عمومیه دندها زیاده ، متجاوز علیهک منافعه تعلق ایدر . متجاوز
علیه ذم و قدحندن مغدور اولسینه رغماً عما که نک تولید ایدمکی محاذیردن احتراز ایتک ، دها خیرلو اولور
ملاحظه سیله محکمه یه مراجعتدن ایسه عدم مراجعتی اولی کوره بیلور . افکار عمومیه نک حکم و قرارینی
محاکم حکم و اعلامنه ترجیح ایدم بیلور . زیرا چوق کره محاکمه حق قازانق ، غلبه چالاق بیله غالبی
وجدان عامیه قارشو اولان مغلوبیتدن خلق نظرنده کی شایسته ظنوندن بتون بتون وارسته قیله ماز . اولور که
متجاوز علیه بورالینی دوشوندرک سیکوتی منافعه دها موافق بولور « خصمک ستمی آکلما مق خصمه
ستمدر » بیت مشهورینی اوقومقله اکتفا ایدر .

ایشته بوسببه بناء مدعی عمومیه رأساً اقامه دعوی حتی ویرلمش اولدینی کی اقامه دعوان صکره بیله
مدعی شخصینک فراغتیه حقوق عمومیه دعوانسک ساقط اوله جنی کوسترلمشدر . شو قدر وارکه افتراجرمنک
تأثیرات وخیمه سی و بو باده اقامه دعوی اولدندن صکره کیفیتک آسایش عمومی یه وانتظام عامیه متعلق بر
حادثه مهمه تشکیل ایدمکی ملاحظه سیله یالکز افترا خصوصی بو قاعده دن استثناییدلمشدر . شویله که
متجاوز علیه ، حقنده وقوعبولان افترادن دولانی اقامه دعوی ایلدکدن و یا خود اثنای محاکمه ذم و قدح
افترا یه منقلب اولدندن صکره مدعی شخصی دعوان فراغت ایلسه حقوق عمومیه ساقط اولماز . مستقلاً
مدعی عمومینک تعقیب و ادعاسینه بناء محاکمه سی اکمال ایدیور و ایجاب ایدن حکمی ویریلور . بوحال یالکز
افترا شقنه مخصوص اولوب بوجه معروض مجرد ذم و قدح و عادی حقارت و اطاله لسانه شمولی یوقدر . بو
صکره کیلر حقنده مدعی شخصینک فراغتیه حقوق عمومیه دعوانی ساقط اولور .

قالبه که متجاوز علیه اقامه دعوی اتمک ایستد یکی تقدیرده یالکیز شکایتنامه ویرمسی کافی دکلدر. دعوی شخصی اقامه ایلدیکنی استدعاسنده ذکر ایددرک مدعی شخصی صفتی اکتساب ایلیدر. زیرا نتیجه محاکمه ده حقسز حقیقه سی محتمل اولوب مصارف محاکمه و دیگر طرفک ضرر و زیانی درعهده ایسی لازمدر. عادی شکایتنامه اوزرینه تعقیبات جریان اتمز. ایشته متن ماده ده دخی بوسیدن دولای - متجاوز علیه اص - ولا شخصی دعوی اقامه سنده متوقف اولوب - عبارده سی یازمشدر، اشتکاسنه متوقفدر نیلما مشدر (فقره ۱۱). بو ماده نك صوك فقره سنده متجاوز علیه دوچار اولدینی هم ضرر مادی هم ده ضرر معنوی مقابلنده تضییعات طلبنه حق ویراشدر.

ضرر مادی اوتهدنبرو قانونلر مزده ذکر ایدلش ونه اولدینی هرکسجه معلوم بولنش ایسه ده ضرر معنوی برنجی دفعه اولوق اوزره ذکر اولمسنه واهمیت فوق العاده سی بولمسنه بناء بو هر ایکی نوع ضررک نه دیمک اولدینی ویکدیگرندن فرقی ایضاح ایدلم و بعض امثال کور تدرلم.

ضرر: دبه اشیای نافعنه نك نفسنه ویا اوصافنه عارض اولان نقصانه دیرلر.

فائده سی اولان شیلر یا مادی (materielle) اولور یعنی وجود خارجیسی بولنور، هوا، ضیا، صو، ات، اکمک کبی. یا معنوی (morale) اولور یعنی وجود خارجیسی اولماز، شجاعت، علم، فضیلت، شرف، حیثیت کبی.

شیای مادییه کلنجه: بولنورده یا قابل مبادله اولور، بغدادی، اودون، کور، تیمور و سائر کبی. ویا قابل مبادله اولماز، هوا، ضیا و سائر کبی.

قابل مبادله اولان اشیای اصطلاحاً ثروت دیرلر که مال و ملکدن عبارتدر. (مال تعیری یالکیز اعیانه مالک ایسه هم اعیانه وهدمه منافع شاملدر، بناء علیه مالک لفظک معناسی ده شموللی در).

ضرر، مال و ملکه تعلق ایدرسه آکا ضرر مادی دیرلر، که بو نوع ضررک تقدیر مقصداری قولای اولدینی کبی تضمین قاعده سی ده معلومدر. شویله که او مالک بدلنه مثلیاتدن ایسه مثلی قیادتن ایسه قیمتی (نقد) ویریلرک تضمین اولنور.

فقط ضرر بویله قابل مبادله اولان مال و ملکه تعلق ایتیموده اشیای نافعنه معنویه تعلق ایدرسه آکا ضرر معنوی دیرلر. اشیای معنویه ایسه ماهیه قابل تقدیر قیمت دکلدر. مثلاً حیات، حریت، صحت، ناموس، اعتبار و شهرت کبی شیلره بها کسبله من، بولنرک مقدار و عیاری اشیای ساره یه نسبت ایلر بیلنه من. بولنر آنجق خلقک وجداننده تعین و تمثل ایده بیلور.

ایشته مقیاس نقد ایلر بویله ناقابل تقدیر اولان بر ضرری نقداً تضمین ایتدیرمک آچیقندن آچینه کیفی بر معامله اولدینی نقطه سنده شبهه یه محل یوق ایسه ده بشقه بر طریق بشقه درلو بر چاره بولنمده یغندن بو

صورتله یعنی نقد ایلر تضمین قاعده سی قبول ایچون ضرورت واردر. ضرورتلر ایسه بمنوع اولان شیلری مباح قیلار. امر تقدیرده کی مشکلات، ضرر واقعی آرتق اکسیک اولیه رق طبق طبقه تضمین ایتدیرمک خصوصنده کی استحاله و عدم قدرت، حاکمک بتون بتونه تضمینانه حکمدن امتناع واستنکافی ایچون سبب کافی اوله ماز. زیرا نصسلکه بر شیئک عیناً ویرلمسی قابل اولمادینی حالده مثل ویریلور و مثلی ده ویریله مدیکی تقدیرده قیمتی یعنی آنک بدلنه نقد ویریلور اولیه ده عدم مماثلت حسبیه بحق تقدیری قابل اوله میان شیلرک تخمینی و تقریری اوله رق تقدیر ایدلمسی لازمکلور. چونکه ملی قدر الامکان احیای حقوق کلیاً ابطال حقندن اولی در.

ایمدی متجاوز علیه وقوعه بران بر حقارتدن دولای هم ماده همد معناً متضرر اولدینی حالده هر ایکی جهتدن دخی تضمینات طلب ایده بیلور. مثلاً بر دکرمنجی علینده مفلسدر، دبه وقوعه بران نشریات او دکرمنجینک اوتهدن برو ذخیره آلمقده اولدینی خلقک امنیت و اعتمادینک انسلانی موجب اولوبده او دکرمنجی ذخیره آله مامق حالته کلسه و بوندن دولای دکرمنی بر مدت معطل اولسه دکرمنجینک او مدت ظرفنده ایده جکی فرضاً یوز لیرا کاردن محرومی بر ضرر مادی در. وحقنده مفلسدر دبه وقوعه کلان اشاعتدن کندوسنه عارض اولان ذلت و خجالت ایلر او دکرمنجینک موقع اعتبار و حیثیتندن سقوطی ده بر ضرر معنوی در که هر ایکسینک مقابلنده دخی او دکرمنجی تضمینات طلب ایده بیلور. یعنی یوز لیرا ضرر مادی مقابلنده و فرضاً بش یوز ویا بیک ایسته دیک قدر لیراده ضرر معنوی مقابلنده تضمینات ادعا ایده بیلور. وجرمک اهمیت وشدتنه و متجاوز علیه وضعیت اجتماعیه سنده کوره شو معنوی تضمیناتک مقداری محکمه جه تقدیر اولنوق لازمکلور، بوراسی مطلقاً محکمه نك تقدیرینه محولدر. محکمه بو باده هیچ بر قید و قیود ایلر مقید دکلدر. انجق محکمه جه تقدیر تضمینات خصوصنده شو ایکی نقطه هر حالده نظر اعتباره آلتق لازمدر.

۱ - ضرر مخفی اولمی، یعنی زمان ادعاه تحقیق ایش اولمی ملحوظ اولمی کافی دکلدر.

۲ - ضرر طوغرییه او حقارتک نتیجه سی اولمیدر، یعنی اگر ضررک سببی حقارت اولیوبده بشقه بر شی ایسه، ولو بدون حقارت او ضررک عدم وقوعی محقق اولسه بیلرینه تضمینات طاب اولنمماز. مثلاً بالاده کوستریلان مثاله دکرمنجینک بر طقم شریکری اولوبده وقوعه بران شیوعات اوزرینه کلوب کندوسنک حسابی رؤیت و نتیجه محاسبه ده کارک نقدانه نظراً اگر شرکته دوام ایلش اولسه لر مأمول درجه ده کار حصوله کلیه جکینی آکلایه رق فسخ شرکت ایلسه لر و دکرمنجی بو فسخ شرکتدن متضرر اولسه تضمینات طلب ایده من. زیرا شیوعات فسخ شرکتک طوغرییدن طوغرییه سببی دکل طولایسیله سببی در. فسخ شرکتک اصل سببی کارک عدم وقوعی در. هر نه قدر شیوعات اولسه ایدی شرکانک رؤیت محاسبیه کیریشمیه جکری و نتیجه ده فسخ شرکت ایلیه جکری معلوم ایسه ده کار مأمول اولدینی تقدیرده فسخ ایتیموب شرکتی دوام ایده جکری و بناء علیه محضاً عدم ربح یوزندن شرکتی فسخ ایلدکری دخی میدانده در. بو ضرر وزیان و تضمینات بحثی فن حقوقده ثابت مهم بر بحث اولدیفندن و بو اثرک بوندن زیاده تفصیلاته

حجتي مساعد اولمديغندن انشاء تعالى كرك ضرر وزيان وكرك حقارت بخشلى حقنده آروجه برر مقاله ايله تفصيلات لازمه ويريله جكدرد .

۲۲۰ نجى ماده قائمه : هر نه قدر انسان اقامت ايدر محل اولسه ويا خود مسكون محله متعلق بولمسه بيله قبالي وديوار ايله محدود اولان محلك ديواري دلهرك ويا نردبان ايله آشهرق ويا آت مخصوصه ايله ويا صور ساثره ايله بنجره ويا قپوسنى قيرارق ويا آچارق خرسزاق ايدنلر موقتاً كوركه قونيولرلر .

هر نه قدر ديوار دلهرك ويا نردبان قورهرك ويا آت مخصوصه ايله كليك آچارق كيرلس اولسه بيله بر خاله ويا مشتملاتندهكى اوطه قپولرني ويا قاصه ومثقل صندوق وطولابلى قيرمق ويا آت مخصوصه ايله آچق صورتيله سرقت ايقاع ايدنلر دخى موقتاً كوركه قونيولر .

-- شرح --

بو ۲۲۰ نجى ماده ايله بوندن صكره كلان ۲۲۲ و ۲۲۴ و ۲۲۵ و ۲۲۶ و ۲۳۰ نجى مواد معدله نك جمله سى سرقت جرمه متعلق اولدقنلرند هر برى حقنده آرى آرى ايصاحات ويرمزدن اول على الاطلاق سرقت جرمه دائر بعض معلومات عموميه ايراد اولمسي فائده دن خالى اولماز .

سرقك تعريف شرعيسى : خفياً غيرك مالى اخذ وضبط ايتكدرد . (حدك لزومنده نصاب شرعيسنده اولق ايچون مال مأخوذك قيمتي اون درهم كوشدن دون اولماسى دخى شرطدر)

قانونده سرقك تعريفى يوقدر ، فقط سرقته دائر اولان مواد عموميه سندن استنباط اولتان تعريف ، تعريف شرعيدن چوق فرقى دكل كييدر بك قريبدرد . شويله كه :

قانون جزايه كوره سرقت : غيرك مالى سوء نيت ايله - يعنى مالكك تصرفى ازاله قصديله - اخذ وضبط ايتكدرد : [*]

[*] تعريف شرعى ايله تعريف قانوني بيننده كى فرق هفياً قيدنده در ، تعريف شرعيله خفياً قيدي واردر تعريف قانونيده يوقدر . زيرا لسان شرعده بر كسه نك رضايى خلافنده فقط انك معلوماتيله مالى اخذ وضبط ايتكه غصب دينور ، اصطلاح فقهيى بودر ، سرقت دنيلمز كه بوده بك موافقدرد . فقط قانون غصب ده ، نه ده ، قطع طريق ده هب بر فاصله درج ايله سرقت تسميه ايلمش اولديغندن افرادى جامع اولمسي ايچون تعريف قانونيده خفياً قيدندن صرف نظر اولدى .

بومناسبته شوراسنى ده ذكر ايدله لكه اموال حقنده وقوعه كلان تعرضاتك انواعى اولدينى كى هب او نوعلك هر برينك كندويه مخصوص اصطلاح فقهيى دخى واردر . بغير حق ضبط اولتان مال ، بوجه مشروح هفياً اخذ اولمش ايسه سرقت يوق اكر علناً صاحبك اطلاعى ايله جبراً آلتور ايسه غصب ونهب دنيلمز كى اكر سلب ايديلن مال غير ، ذاتاً سالك ينده ايدسه اختلاس ويا خيانت اطلاق اولنور . مثلاً مستودع وديعه بى كتم ويا انكار ايدسه خائن وصندوق امينى ينده بولتان نقود ميرى يذمتنه كچوررسه مختلس دنيلور . سرقى افعال ساثره دن تفريق ايدن حال ايسه يالكز خفياً قيدي يعنى مال صاحبك اذن واطلاعتك فقداى در . هر نه قدر كتب فقهيده سرقتك تعريف شرعيسنده - غيرك اون درهم قيمته كى مالى مكان محرزدن خفياً آلتق در دنيلمش ايسه ده بوتعريف حد سرقى يعنى قطع يدى موجب اولان سرققلر حقنده در . يعنى ذكر ايديلن مطالبه محرز قيمت معينه احوالى شرعاً سرقك اسباب مشدده سندن عد اولمشدر . يوقسه

بو تعريفه كوره سرقت جرمى اوچ جزدن تركب ايديلور ۱ - آشورمق «soustraction» ۲ - سوء نيت «la fraude» ۳ - مال غير .

سرقت فعلتك تشكلى ايچون آشورمقك برنجى شرطدر . زيرا بر شينه مجرد بولندينى محله وضع يد ايتك ايل سورمك فاعلك مرادىنى تمامى تمامنه اظهار مدار اوله ماز ، بوندن ماعدا او كسه نك ندامت ايدوبده او مالى اورادن قالدرد ماسى يعنى سرقتدن فراغت ايلمسي واز كچمسي ده ملحوظدر . سرقت آنجق فعل مادى ايله اومالى اورادن قالدردمقله تمام اولور .

بوندن شو نتيجه چيقاركه سرقت آنجق اموال منقوله حقنده جارى اولور . زيرا اموال غير منقوله نك بر محلدن آخر محله نقلى ممكن دكلدر .

شو حالده ملتقط لقطه بولندينى محلدن محل آخره نقل ايتمش اوله جنى جهته اومالى نزدنده آلى قويدىنى تقديرده سارق عد اولنورمى ؟ بو مسئله بى حل ايتك ايچون اولامرده او آدمك «ملتقطك» سوء نيتى وارمى يوقى بوراسنى آره مق لازمدر . اكر سوء نيتى ثابت اولورسه سارق صاييلور ، اولمازسه صاييلاز . يعنى ملتقط او لقطه بى تملك ايتك نيتيله كندوسنه مال اولق اوزره آلمش ايسه سارق حكمنده در ، اما صاحبه ويرمك اوزره آلمش اولدينى صورتده سارق صاييلماز . ملتقطك نيتى احوال ظاهره ايله آكلاشيلور . شويله كه بولديغنده اعلان ايدر ويا صاحبى آرار طارار صورار ايسه بواحوال حسن نيتيه وبالعكس صاحبك تحريسه رغماً سكوت ايتك ومالى صاقلامق كى احوال دخى سوء نيتيه دليل اولور .

سرقت فعلتك جزء ثانيسى سوء نيتدر . سوء نيت بر ماله صاحبك تصرفى ازاله ايتكدن عبارت اولدينى يوقايدده سولمشدك . (بر ماله صاحبك تصرفى ازاله ايتك ، عبارته ايوجه دقت اولنه) . شو حالده سارقك مال مسروقى هر حالده كندوسى تملك ايتك قصديله آلمش اولمسي شرط دكلدر . وجوه خيره ويرمك مثلاً فقرايه توزيع ايتك وبالفرض اتلاف ايتك دكره آتمق مقصديله دخى المش اولسه ينه سوء نيت موجود وبناء عليه سارق ومجرمدر . زيرا مالكك حق تصرفى ازاله ايديلور ، سرقك كرك سائقى ، كرك غايه سى هر نه اولورسه اولسون آكا هيچ بر وقت اعتبار يوقدر .

شمدى بوراده غايت نازك بر مسئله قارشوسنده بولنورزه مادامكه سرقك سبب وسائقه اعتبار يوقدر ، آجلقدن اولمك حالنده بولتان بر كسه بر بشقه نك اتمكنى چالسسه سارق اولق اوزره جزا كورمسي لازمكورمى ؟ - بو فعل حد ذاتنده شبهه سرقتدن معدوددر . زيرا اضطرار نه درجه ده قوى اولورسه اولسون غيرك حقى اخلاص سبب محق اوله ماز . اما اضطرار ، جزايى بعضاً بتون اسقاط بعضاً ده تخفيف

بر كسه مجرد غيرك مالى خفياً اخذ ايتمكه ينه فعل سرقى ايقاع ايتمش اولور ، ايستر مكان محرزدن آلمش اولسون ايستر اولماسون و ايستره مالك قيمتى اون درهمدن نقصان اولسون . شو قدر واركه مكان محرزدن آلمدينى و سلب ايدن دون بولندينى حالده حد سرقت يعنى قطع يد لازم كليوب سارق آنجق تعزيره مستحق اولور .

ايدر . بو كې احوال فوق العاده ده ، قواعد عدالت ايله قواعد مرحمت و مروتك مزج و تعديل اولمى مقتضى شان انسانيت بولنديغندن بويله بر بيجاره يي آرتق اضطراك درجه سنه كوره اكر بتون بتونه معاف طومتق قابل اولماديني حالده اكا بك خفيف بر جزا ترتيبيله اكتفا ايليدر .

سرقك اوچنچي جزئي مال مأخوذك غيره عائد اولمى درديمشك ، زير اركيمسه نك هيچ بروقت كندى مالى اخذ ايتمكك مجرم اولميه جنى بك ظاهر در . بوقاعده مطلق در . شو حالده راهن « صاحبى » مرتهندن خبرسز اوله رق مرهونى اخذ ايله سارق عد اولنه مز . فى الواقع بوقاعل بر عقدك بر مقاوله نك حكمى اخلال ايلديكندن دولاي مسئول اولور اما سارق اولماز . زيرا اومال ، مرهون اولمقله راهنك سلك ملككندن چيقمش صاييلماز .

مال مأخوذك مال غير اولمى شرطندن نتايج آتبه استنتاج ايديلور .

۱ — مالكي اوليان مباح شيلرى مثلا صاحبسز يرلرده خدائي نابت اولان اولتلى صاحبسز آغاچلرك ميوه لرني

۲ — غيره تخصص ايتدكن صكره ترك ايدلمش اولان اشيايى مثلا صاحبك آرتق ايشنه ير اميه جنى حسبيله زقاغه آتيلان البسه اناك بيتبه وسائره كې شيلرى .

۳ — مالكي مجهول اولان اشيايى اخذ ايتك سرق صاييلماز . آنچق مالكي مجهول اولان اشياك بالاده بيان اولندينى اوزره صاحبى ملتقط تحرى ايتمشده بولنه مامش اولمق شرطدر .

مالك و صاحبى معلوم اوليان مسكوكات عتيقه و جديده و دفائن متوعيه كانجه بونلرك احكامى كتب فقيه و آثار عتيقه قانونى كې بعض قوانين خصوصيه تفصيل اولمش بولنديغندن آنلرى بونلر حقتده و احكام موجبجه معامله اقتضا ايدر . يعنى آنلر شرعاً و قانوناً بولان كيمسه عائد اولدينى تقديرده ملتقط آنلرى اخذ كتم و اخفا ايلسندن طولاي سارق عد اولنه ماز . اما شرعاً و قانوناً اومال غيره مثلا بيت المله ويا اوشيكك ظهرايتديكى ملكك صاحبه عائد اولدينى حالده ملتقط آنلرى كتم و اخفاسندن طولاي مجازات اولمق لازم كلور . مثلا برينك ملك خانه سنى هدم ايدن عمله او خانه نك ديوارى ايچنده ظهور ايدن مسكوكات قديمه يي آشورسه خرسز صاييلور . صاحبى نامعلومدر ديه مز . زيرا هر تقدري مالك قديمى معلوم دكلسده شرعاً خانه صاحيله حكومه عائد اولدينى معلومدر .

۴ — بر مال ، صاحبك رضاييله قالد يرلدينى حالده كذلك سرق اوله ماز . بوراسى معلومدر . آنچق مال ، مشترك اولدينى تقديرده ذى ايد اولان شركادن جمله سنك رضاسى لازمدر . يالكز برينك رضاسى كفايت ايتز . حتى ذى ايد اوليان شركادن برينى ديكر لرينك معلومات و رضاسى اولمق سرب مال مشتركى آشورمش اولسه اودخى سارق صاييلور . هر تقدري كندوسنك ده حصه سى وار ايسده . زيرا متشاركردن هر برى ديكر ك حصه سنده اجنې در . كندى حصه سندن ماعداسنى چالمش اولور .

ايشته سرقك اجزاي ثلثه مركبه سنى اولدقچه ايضاح ايلك اكر بو اوچ جزء برلكده اجتماع ايدرسه سرقك تشكلى ايتش اولور ، يوق اكر بونلردن برينى نقصان قالورسه اوفعله سرقك دنيله مز .

اكر بو احوال ثلثيه بشقه بر حال منضم اولمازسه او سرقته عارى سرقك «vol simple» ديرلر . مثلا بر كيمسه نك مال اشترا ايتك اوزره كيتمش اولدينى بر مغازه دن بايعك كورمز يانسه كتوروده بر مال چالمى كې . بو مثلو سرقك ايچون قانون جزا ايكي يوز اوتوزنجى ماده ده اوچ ماهدن برسنيه قدر حبس جزاسى تعيين ايلشدر . ماده مذ كورده كى — اشبو فصلده تعيين اولتان سرقك ماده لرندن ماعدا سرقك — عباره سندن مراد هيچ بر درلو احوال مشروبه اقترانه ايتماسه اولسه سرقك يعنى عادى سرقكدر .

شمى كله سرقك احوال مشدده قانونيه سنكه بونلردن برى ويا برقاچى منضم اولورسه اوسرقته سرقك عاديه مقابلى اولمق اوزره — سرقك موصوفه «vol califié» ديرلر .

سرقك فصلى تدقيق اولندينى حالده كوريلور كه بو احوال مشدده درت قسمدر .

۱ — برنجى سبب فاعلك صفى در . سارقك مال صاحبك خدمتچيسى ويا عربجه قايقچى اولتجى وسائره مقوله سندن اولمى كې . بو حالك سبب تشديد اولمى مال صاحبى ايله بو مثلو اشخاص آره سنده وجودى ضرورى اولان امنيت و اعتماددن منبعثدر .

۲ — سبب تشديدك ايكنجيسى زمانه در . سرقك كيمه و قى اجرا ايدلمش اولمى فاعلك جسارتك زياده لكينه و بناء عليه جمعيت بشريه ايچون دهها زياده مهلك دهها مخاطره ل بر كيمسه اولديغنه دلالت ايلديكى كې سرقك تحرز و تحفظي ده اولسببده چتين و مشكل اولور .

۳ — سبب تشديدك اوچنجيسى مطره در . يعنى سرقك مسكون يا خود ديوار ايله محاط بر محله و يا خود معابده و يا طريق عامده اجرا ايدلمش اولمى كې كه بو احوالك سبب تشديد اولمق خصوص سنده هر برينك كندوسنه مخصوص عاتى واردر .

۴ — درنجى سبب تشديد ، صورت اهر در . يعنى سارقك تعدادى ، ديوار ملك يانردبان ايله اشق قيو و پنجره يي قيرمق ، مسلح اولمق جبر و شدت استعمال ايلك كې . بونلر ده سبب تشديد اولمقده هر برينك كندوسنه مخصوص عاتى واردر . بزم مقصدمز بتون سرقك فصلنى تشرى ايتك اوليوب يالكز معدل اولان ماده لرينك قولايجه اكلا شلمسى ايچون عمومى فقط قصه بر مقدمه يامق ايدو كندن زياده تفصيلاتدن صرف نظرله شمدى تشرى ايدم جكمز ۲۲۰ نجى ماده يه نقل كلام ايدم .

بوماده ده بالاده بيان ايديلان احوال مشدده دن ايكي نوعى واردر . برينى مطره ديكرى صورت اهر در . اولاً مرده شوراسى شاين تذكار در كه بوراده مطره باشلى باشنه خود بخود سبب تشديد دكلدر ، سبب تشديدك بر جزئى در . بو ماده ده مذكور اولان صور اجرايى دن برينك كندوسنه التحايله سبب تشديد

اولور . شويله كه ديوار ايله محاط اولان برحملك قپوسنى آچيق بولهرق بر كمسه ايجر وسنه كيرسه ده برشى چالسه عاديآ سارق صابيلور ، مجرد او محلك ديوار ايله محاط اولسى سرقك ركنكى دكشديره مز . اما او ديوارى دلهرك يا كليدى قپوسنى هر نه صورته اولورسه اولسون اچهرق يازديان ايله اشهرق ايجرو كيرمش ايسه ايشته احواله بوماده موجبنجه جزاسى تشديد اولور .

شمى ديوار ايله محاط اولان محلى اكلامق ايجون ديوار نه ديمكدر انى برايوچه تعيين ايتك لازمدر . بوراده ديوار : بر مكانك اطرافى احاطه ايدن اوثابت شى دركه اورايه غيرك سهولتله دخوله مانع اوله چق مرتبه قوى اوله . ايستر او طاشدن معمول اولسون ايستر چاموردن ايستر تحته دن ايستر طراقدن . ايستره چالى چرنى وسيج قيبندن بولسون ايستره يوكسك يالچق اولسون . الورر كه سرولتد روضه مانع اوله بيلسون . ايشته بو ماده يه كوره مكان سرق بويه ديوار ايله محاط اولدىمى كافى در مسكون اولوب اولماسنده بر فرق يوقدر .

سرقك صورت اجرانسه كانجه : بو ماده ده تعداد ايديان صور اجرانسه ايكي قسمدر ، بريسي خارجه ديكرى داخل

خارجى صور اجرانسه ، ديوار دلك نردبان ايله آشمق بخره ويا قپو قيرمق ويا اچقدن عبارتدر كه ماده نك برنجى فقره سى بو صورتدن باحثدر .

داخلى صور اجرانسه ايجروده خانه نك اوطايرنى ويا قاچه ومقفل صندوق ودولايرى قيرمق ويا آلت مخصوصه ايله اچق دركه بوماده نك ايكنجى فقره سى ده بوكا عائددر . بوراده كرك خارجى و كرك داخلى صورت اجرانك وصف مشتركى ايسه سارقك دخوله اموال ، ظرفه نك اخذينه مانع تشكيل ايدن اشيا اوزرنده استعمال جبر و شدت اولمق كيفيتى در ، يعنى او اشياى مانع ي زور ايله اچق قيرمق پاره له مقدر ، بناء عليه بر قپونك ماندالنى قالدردمق ويا سوركو وزرزه سنى چكوب اچق بوقيبندن دكلدر . كذا مقفل اوليان مثلا ايپ ويا شريت ايله باغلى اولان صندوق وطولايرى اچق ده اسباب مشدده دن عدا اولماز . ظرفلر ايستر تيمور قاصه ايستر تحته صندوق هر هانكى نوعدن اولورسه اولسون مقفل يعنى كليدى اولمازى شرطدر .

بونلردن قطع نظر خارجاً اجرا ايديان تخريبانك خانه يه داخل اولمق قصدينه مقرون اولسى شرطدر . بناء عليه خانه يه كيرمك مقصديه دكل آنجق ديوارك ايجنده بولنان مثلا قورشون بورولرى چالق ايجون او ديوارى دلك ويا محضابر قپونك كليدى چالق ايجون سو كمك كيفيتلى بو ماده حكمنه داخل اولماز . زيرا هر نه قدر بو فعللرده ديوار تخريب ايتك و كليدى بوزمق احوالى موجود ايسه ده بونلر خانه يه كيرمك مقصديه اجرا ايدله مشلدر . كذلك بر كمسه نك نردبان قوره رق بر خانه نك طامى اوزرنده بولنان مثلا كيره ميدلى يا طوتيه يي چالسى دخی بو ماده نك تحت حكمنه دوشمز .

- تنقيد -

بو ماده نك برنجى فقره سنده - آلت مخصوصه ايله - عباره سندن صكره - ويا صور ساثره ايله بخره ويا قپوسنى قيرارق - عباره سى ضم اولنه رق اسكى ماده نك نقصانى اكال ايدلمش و « بو آلت مخصوصه ايله اچلماش مخصوصى اوليان آلت ايله اچلمش ، بخره قپو صابيلماز ، قيرمق اچق ديمك دكل » كې بر طاقم يوللو يولسز ملاحظاته محل براقلماش ايسه ده ينه صور اجرانسه نك بعضيى خارجده قالمشدر . مثلاً بر خانه يه ير التندن صيچانچق ، لاغم قازيله رق كيرلسه بونك ديوار دلك حكمنده طوتيلوب طوتيله جغنده ترده و بناء عليه بو ماده يه تطبيق ايدوب ايتامكده مشكلاته گرفتار اولماق قابل دكلدر ، بناء عليه تعديلات دهيا شمولى عباره ايله يابلمش اولسه ايدى دهيا ائى اولوردى مثلاً « ديوار ايله محاط اولان وقپالو بولنان محلكلر مواقع دخول ووسائط محافظه سنى زورله بوزارق ويا رفع وازاله ايدرك ويا اشهرق ارتكاب سرق ايلرسه . . . » دينسه دهيا شمولى اولوردى .

۲۲۲ نجى ماده معدله : زيرده تعداد اولنان احوالدين بريله ارتكاب سرق ايدن شخص بر سنه دن اوچ سنه يه قدر حبس اولور . احوال مذكوره نك برنجيسى : كيجه وقتى اولمق وايكى ويا خود دهيا زياده اشخاص براكده ويا بوايكي كفيتك ياكز بريسي اولوب فقط آدم اوتورير بر محله و معايدده اولفدر . ايكنجيسى ماده سرق كوندوز ويا خود شخص واحد طرفندن وقوعولسه ومحل سرق آدم اوتورير محل اولسه بيله سارق اولان شخصك خنى ويا جلى مسلح بولنميدره . اوچنجيسى بر شخص موظف خدمتكار اولوبده خدمت ايتديكى اقدينك ويا خود افنديسك خانه سته كلس اولان كيمسه نك ويا خود افنديسيه بارفاقه كيمش اولدينى خانه صاحبك مالى سرق ايله مك ويا خود خر سزلق ايدن كيمسه عمله ويا اصناف شاكردى اولوب اوسته سك خانه دكان وغازه سنده ويا خود بر شخص مستراً چالشدنى بر محله خر سزلق ايلكدر . درونجيسى خانجى ولوقظه جى و آرابه جى واقيعى وام مالى اصناف ويا خود بونلر ك آدملى كنديلرينه توديع اولنان اشيا نك هپنى ويا بر مقدارينى سرق ايتكدر .

- شرح -

درت فقره دن عبارت اولان اشبو ماده اسكى ماده نك عيى اولوب ياكز جزانك مبدائى اول آلئى آى اولدينى حاله شمدى بر سنه يه ابلاغ ايدلمشدر .

بو ماده نك برنجى فقره سنده اوچ نوع احوال تشديد يه ذكر ايدلمشدر ۱ : كيجه ۲۰ : تعدد اشخاص ۳۰ : ادم اوطورر محل .

آنجق اولكى ماده شرحده دخی ذكر اولندينى اوزره « كيجه » باشلى باشنه اسباب مشدده دن دكلدر . سبب شدت بر جزئى در ، شويله كه اشخاص ايله ويا خود آدم اوطورر محل ايله مترافق بولنورسه ، سبب شدت اولور والا اولماز .

كذلك تعدد اشخاص دخی باشلى باشنه سبب تشديد دكلدر . بوده يا كيجه ويا مسكون محل ايله

مترافق اولی . مثلاً اوچ کشی برلکده کوندوزلین سکنايه مخصوص اولیان برمحلدن دیلمکه بریغداي دپوسندن یالکز قیوسنک ماندانی قالدیره رق کیروبده بغدادی چالسه لر عاریاً سارق صایلو رلر بردن زیاده اولملری سبب تشدید اولماز .

کذلک سکنايه مخصوص محل دخی منفرداً سبب شدت اولیوب بوکا دیگر احوال دن بریسی منضم اولق لازمدر .

ادم اوطورر محل نه کی شیلردر ؟ — خانه ، اوطه ، قلبه ، غاره خیمه ، چادروساژه کی سکنايه مخصوص هر نوع محللردر . بونلر ایستر طاشدن طور اقدن ایستر چالی چیرپیدن الحاصل هر نه دن یابیش اولورلر سه اولسونلر ایستر غیر منقول اولسونلر ایستر چادر کی منقول اولسونلر سکنايه مخصوص اولدیلر می کافی در . اومحک وقت سرقتده مسکون اولمی و یا خود مسروق منهک ملکی بولنمی شرط دکلدردر . بر سفینه دروننده بولنان قمارلر اوطه لر محل سکنا اولدیغدن اوراده اجرا ایدیلن سرقت بوماده حکمنه تماس ایدر . اما شمندو فرلرده و یا دیلزانسلرده اجرا ایدیلن سرقت بوماده یه داخل اولماز . زیرا سفینه لرده کی اوطه لر سکنايه مخصوص ایسه ده بریکلر دکلدردر .

بر خانه نک باغچه و حولوسی کی توابع و لوا حق دخی انسان اوطورر محل حکمنده در . کذلک معابد دخی سکنايه مخصوص محللر کی سبب تشدید عد اولمشدر . بوماده نک برنجی فقره سی حقنده بوندن زیاده ایضاحاته لزوم یوقدر .

ایکمنجی فقره یه کلندکده بوراده ذکر ایدیلان سبب شدت یالکز « مساح » اولق کیفیتی در . مساح اولق باشلی باشنه سبب شدتدر ، دیگر احوالک انضمامنه محتاج دکلدردر . سارک سلاحی مجرد حامل بولنمی کافی در ، استعمال ایتسی ده شرط دکلدردر . چونکه حامل بولنق استعمال ایتک و یا انک استعمالیه تهدید ایلک قصدینه دلالت ایدر ، ایسته بر سارق مسلح اولدی میدی بوماده موجبجه هر حالده جزاسی تشدید اولنور ، اباب تشدید یه دن بشقه بریسی ولوانضمام ایتسه بیله . سلاح سارک یالکز ماله دکل ایجابنده شخصه ده تعرض ایده جکنه سوء نیته غدارلغنه دلیل اولدینی ایچون مستقلاً موجب تشدید اولور .

حلب مبعوث سابق

آرتین



اعلان

غنائم بحریه قانون موقتک اونجی ماده سی موجبجه تشکیل قلنان غنائم بحریه دیوان استینافنک اوچیوز یکر می یدی سنه سی شباطنک یکر می بشنچی کونندن اعتباراً در سعادتده عدلیه نظارت جلیله سنک محکمه تمیز هیئت عمومیه سنه مخصوص دائره سنده جمع ایرتسی و بازار ایرتسی و چهارشنبه کونلری وسطی ساعت اونده اجتماع و اجرای معامله یه ابتدار ایده چی اعلان اولنور .

صامسونک سعید بک محله سنده واقع حدود عتیقی شرقاً یاقو عرصه سی غرباً طریق عام شمالاً آندون قسطندین خانه سی جنوباً طریق وجدیدی دوللی اوغلی بدوساکی وایکی طرفی طریق و بر طرفی دوللی اوغلی نیقولا کی خانه سیله محدود آلتیوز اللی آر شون عتیق ارض میری صامسون ارمنی محله سندن کودکیان حاجی اغوب ولد استلیاتونک حال حیساننده وکیل عمومیه سی بولنش اولدینی قوچیان قره بت طرفندن یکر می بش لیرای عثمانی بدل مقابلنده صامسونده ساکن تجاردن دوللی اوغلی نیقولا کی به بیع و تملیک و تسلیم ایلدیکنندن معامله فراغیه نک اجراسی ایچون ایجاب ایدن تقریرک دفتر خاقانی اداره سنه اعطاسی متضمن صامسون محکمه شرعیه سنندن صادر اولان ۳۷۸ نومرو لی ۱۵ ذی القعده سنه ۱۲۹۶ تاریخله اعلام احکامنک انفاذی ایچون دائره اجرایه تودیع ایدلمش و تاریخ اعلاندن اعتباراً اوچ آی ظرفنده احکامی انفاذ و دفتر خاقانی اداره سنه مراجعتله تقریر ویرلمدیکی تقدیرده اجرادن یازیله جک مذکره اوزرینه معامله فراغیه سی ایفا اولنه جنی بایع متوقا حاجی اغوبک اقامتگاهلری مجهول بولسان ورثه سنندن صلی کیر اوغلی مهران وقره بت و قیزلری ارانوهی وباریس نامونک کسب اطلاع ایللری ضمننده اخبار و اعلان اولنور .

در سعادتلی شراجه یی یانینک اردکک هرک قریه سنندن تنوقلی ذمتنده محکوم به مطلوبنک تأمین استیفاسی ذمتنده مدیون مرقومک تحت حجزه آلمان قریه مذکورنک آلتیه موقعنده طرفلری حاجی بنایوط و قیرت وفوطی املاکیله محدود بر قطعده بردونم مع باغ طوتلغک تاریخ اعلاندن اعتباراً اون بش کون صکره موقع مزایده یه وضع اولنه جفندن طالب اولانلرک اردک اجرا دائره سنه مراجعت ایللری لزومی اعلان اولنور .

اوستریا دولتی تبعه سنندن ماورو قورداتو ورثه سنک یوسفیان اونیک افندی ذمتنده در سعادت ایکمنجی حقوق محکمه سی اعلامیه محکوم به آلاجنی اولان مبالغه تأمین تسویه سی ذمتنده حجز اولنوب فروختی قرار کیر اولان

ومديون مومي اليهك والده سندن انتقال ايدن استانبولده ابراهيم باشا محله سنده چاقماقچي ياقوشده يوسفيان عاكساندو
ناميله معروف خان تختنده واقع بر اوچ ووش ویدی وطقوز نومرولو مغازه لرده مديون مومي اليهك بش حصه ده
متصرف اولديني بر حصه سي بوندن اقدام موقع مزايديه وضع ايديله رك عثمانلي ليراسي يوزغوش حسابيله
يكرمي ايكي بيك غرو شده طالبي عهده سنده قالمش اولغله قراردادده سي كشيده ايديلوب يوزده بش ضميله
اشتراسنه طالب اولانلرك تاريخ اعلاندن اعتباراً اوتوز بر كون صكره يعني كله جك شهر مارت رومينك
يكرمي اوچنچي كوني املاك مذ كوره پيشكاھنده زوالی ساعت بردن ايكي به قدر وفرداسي جمعه ايرتسي كوني
دخي ساعت اوچ بچغه قدر دائره اجرا ده قرار قطعي سي اعطا ايديله جكندن ودها زياده معلومات آلمق
ايتيانلرك بدل مزايدهك عشرينه مساوي بي آقچه ليله برابر محكمه تجارت اجرا دائره سنه مراجعت ايللري
دائره مذ كورده دن اعلان اولنور .

مفاس بقال عمر اونباشينك مصالح افلاسيه سنيك رؤيت وتسويه سي ضمنتده دعوي وكيلازلندن سميون
وشا كر افنديلر دائمي سنيك تعيين قلنمش اولدقلزلندن بالجله اصحاب مطلوبك اشبو تاريخ اعلاندن اعتباراً
يكرمي كون ظرفنده مطلوباتلرينك بر قطعه مفردات دفتريله سندات وتسكانلريني كندولري ويا وكيلازي
كتوروب سنيك افنديلره تسليم ايتلري ومدت مذ كوره انقضاسندن صكره يعني شهر مارتك بشنچي بازار
ايرتسي وآلتنجي صالي ويدنجي چهارشنبه كونلري تحقيق ديون معامله سي اجرا قلنه جفندن ايام مذ كوره
ظرفنده آله جفلازي قبول وتصديق ايتديرملري اعلان اولنور .

اعشار ملتزلندن اولوب خزينه ماليه ديون معلوملريني تسويه ايتدكلزلندن طولاي محجوز املاكلارينك
فروختي تقرر ايدن شيعلي قريه سنده كوچك اسماعيل حفيدي حسين رئيسك اوتوز ايكي دونم بر قطعه
ترا وباغي وقورت قريه سنده اسكله جوارنده آلتی وكوي ياننده درت وچاليق درده آلتی وچينار يولنده
اون ايكي واسي فنار موقعنده سكيز دونم ترالاري وامام اوغلي نظيفك صوغانلقده قوريلق موقعنده وزدبانلي
قيوده بر بچق ودرمن ياننده ايكي بچق وبكلك قيو جوارنده اون بش بچق وكسيم اوغلي قيوسنده اون سكيز
ومزارلق جوارنده اوچ وكوي كنارنده ايكي بچق دونم وبالجی احمد آغا ورثه سندن حسن آغانك قورنه قريه سنده
اوتوز آلتی قطعه يدي يوز اون بش دونم ترالاري وحسنی آغانك قريه مذ كوره سكيز قطعه معلوم الحدود ديوز قرق
يدي دونم معلوم الحدود ترالاري عندالمزايده طالبلري عهده لرنده موقت قراردادده لري كشيده قلنمقله تاريخ
اعلاندن اوتوز بر كون صكره احاله قطعيه لري اجرا قلنه جفندن طالب اولنلر ودها زياده معلومات آلمق
ايتيانلرك قرتال اجرا دائره سنه مراجعت ايللري اعلان اولنور .

اربه جي مصطفى افنديك ارپه جي صادق افندي ذمتده محكوم به آلاجنی اولان مبالغك تأمين تسويه سي

ضمننده مديون مرقومك محجوز وفروختي مقرر بولسان قاضي كوينده عثمان آغا محله سنده چاوش باشي
زقاغنده عثمان آغا وقفندن مكرر اون بر نومرولو ويوزاللي زراع اوزربنه ميني اوچ قات برنجي قاتده مطبيع
ور بودوروم وايجنچي قاتده بر صوفه اوچ اوطه واوچنچي قاتده درت اوطه بر صوفه وبر مقدار بفتحچي
ومشمولات سائره يي حاوي وشهري طقوز مجيديه ايجارلو بر باب احشاش خانه ده مديون مرقومك متصرف
اولديني ربع حصه سي تاريخ اعلاندن اعتباراً اون بش كون صكره موقع مزايديه وضع ايديله جكندن
اشتراسنه طالب اولنلرك ودها زياده معلومات آلمق ايتيانلرك محكمه تجارت اجرا دائره سنه مراجعت ايللري
دائره مذ كورده دن اعلان اولنور .

نارلي قريه سنده قره قشله موقعنده شرقاً چاي غرباً
اوغلي حسين يتملري وحاجي محمد اوغلي ابراهيم
جنوباً پاپاسلقلي محمد و خليل آغا ايله محدود بر
نارلي قريه سنده صره آرمرود موقعنده شرقاً امام
اوغلي حسين يتملري وحاجي محمد اوغلي ابراهيم
جنوباً چاي شمالاً دره جنوباً قناتلو قومپانيه سي ايله
محدود بر قطعه زيتونلك نصف حصه سي دونم ۵

جهت التزامدن طولاي خزينه ماليه مديون بولسان نارلي قريه سي اهاليسندن محمد نظمي افنديك
دائره اجرا معرفتيله تحت حجزه آلديريلان بالاده حدود وموقعي ودونمي كوستريلان ايكي قطعه زيتونلكي
تاريخ اعلاندن اعتباراً اون بش كون صكره بالمازايده فروخت اولنه جفندن طالب اولنلرك ايواجق اجرا
دائره سنه مراجعت ايللري اعلان اولنور .

طوزله قريه سي حدودي داخلنده بفتحچلر آردی نام
موقعنده شرقاً رفعت و رضا و غرباً خليل افندي
وشمالاً يول وجنوباً حاجي محمد افندي ايله محدود
طوزله قريه سي حدود داخلنده واقع قالين ير
موقعنده شرقاً كوچك علي بك غرباً يول وشمالاً
يول ايله محدود اون ايكي دونم بر قطعه ترا

جهت التزامدن طولاي خزينه ماليه مديون بولسان طمش قريه سنده علي بك زاده مصطفى بكك
دائره اجرا معرفتيله تحت حجزه آلديريلان بالاده حدود وموقعي ودونمي كوستريلان ايكي قطعه ترلاسي
تاريخ اعلاندن اعتباراً اون بش كون صكره بالمازايده فروخت اولنه جفندن طالب اولنلرك ايواجق اجرا
دائره سنه مراجعت ايللري اعلان اولنور .

اوراق ايجي موقعنده شرقاً يوسف اوغلي محمد
ترلاسي غرباً اعيان اوغلي علي ترلاسي شمالاً حاجي
سليمان بن علي شمالاً وجنوباً علي بن احمد ترلاسي
حاجي ابراهيم قيوسي موقعنده شرقاً درويش ابراهيم
غرباً وقف شمالاً يول وجنوباً فلاح ومحمد چاوش
ايله محدود بردونم بر قطعه زيتونلك
ايله محدود بر قطعه زيتونلك دونم ۳

جهت التزامدن طولاني خزينه ماليه مديون بولان احمدجه قريه سندن امام مصطفى افندي ايله شريكي ابراهيم چاوش اوغلي حاجي مصطفى نك دائرة اجرا معرفتيله تحت حجزه آديريلان بالاده حدود وموقع ودونمي كوستريلان ايكي قطعه زيتونليك تاريخ اعلاندن اعتباراً اون بش كون صكره بالمزايدة فروخت اولنه جغندن طالب اولنلرك ابواجق اجرا دائره سته مراجعت ايللري اعلان اولنور .

بوشناق زاده مرحوم محمد پاشا ورثه سندن محمد عزيز افندي نك انكلتره دولت فخيমে سي تبعه سندن اولوب اليوم اقامتگاهي مجهول بولنديني دولت مشار اليها قونسولانوسندن بيلديريلان آلبود نام برادرلر عليه برنجي محكمه تجارته اقامه ايلديكي فك حجز دعواسنك اشبو اوج يوز يكرمي سكز سنه سي شهر نيسانك اوننجي صالي كوني رؤيت ايديله جگندن مومي اليه آلبود برادرلرك يوم مذكوره زوالی ساعت بر راده لرنده محكمه مذكوره حاضر بولنه لري ويا مصدق سند ايله طرفلرندن بر وكيل كوندرملري لازمكه چكي وشايد كلزلر ويا وكيل دخي كوندرملر ايسه مدعينك وقوعبوله جق طلبی اوزرينه حقلرنده معامله غيابيه اجرا قلنه جنی معلوملري اولق اوزره اولبالده تنظيم قلنان دعوتيه ورقه سي اصول محاكمه تجارت نظامنامه سنك بكرمنجي ماده سنك دردنجي فقره سنه توفيقاً على الاصول محكمه نك ديوانخانه سنه تعليق اولديني كي اوراق حوادث واسطه سيله دخي اعلان اولنور .

رائف آغا زاده حسين بكك فائق بكه بك اوغلي بدايت محكمه سي ايكنجي حقوق دائره سنك ۲۶ تموز سنه ۳۲۶ تاريخي اعلاميله محكوم به ديني اولان معلوم المقدار مبالغك استيفاسي ضمتته درسعادت چلبی اوغلي علاءالدين محله سنه مصر چارشوسي دروننده ۷ و ۲۷ نومرولو حرمين محترمين كدكانندن ايكي باب كتابجي دكاني كدكارينك ثلث حصه لري تحت حجزه آديرملش اولمغله تاريخ اعلاندن اعتباراً اون بش كون صكره بالمزايدة فروخته تشبث اولنه جغندن طالب اولوب دها زياده معلومات آلق ايستيانلرك بك اوغلي اجرا دائره سنه مراجعت ايللري اعلان اولنور .

اعشار ملتزملرندن اولوب خزينه ماليه مديون معلوملري تسويه ايتدكارندن طولاني محجوزاملاكلرينك فروختي تقرر ايدن ارن قريه سنه بالجي على اظلك قريه مذكور چارشوسنده كان بر باب خانه سيله اتصانده اوج باب قهوه وآخور واشجي دكانلري وينه قريه مذكوره عمر پهلوان اوغلي محمد اظلك بر باب آخور ايله اوج اوطه برصوفه واوچيوز زراع بعچه بي مشتمل خانه سي وينه قريه مذكوره قوجه مان اوغلي ناظم افندي نك بوستانجيه چتال چشمه موقعنده شمندوفر خطي اوزرنده اون دونم وينه ارن قريه سي يولنده كندلك اون دونم معلوم الحدود ترالري عندالمزايدة طالبلري عهده لرنده موقت قراردادلري كشيده قلنمغله تاريخ اعلاندن اعتباراً اوتوز بركون صكره قرار قضيملري كشيده قلنه جغندن طالب اولنلرك ودها زياده معلومات آلق ايستيانلرك قرتال اجرا دائره سنه مراجعت ايللري اعلان اولنور .

عمر وصفي ايله حسنا وزينب مسروره خانملرك اسكدارده قره داود پاشا محله سنه قره جه احمد جاده سنه اون سكز نومرولي دكانده مقيم ايكن مذكور دكاني سد ايله چيقوب كيدرك اليوم اقامتگاهنك مجهول بولنديني لاجل التبليغ ارسال قلنان ورقه دعوتيه مباشری ومحلہ سي امامی طرفندن ويريلان شرحدن آكلاشيلان موئس افندي عليه اقامه ايتدكاري تخليه وبدل ايجار دعواسنك رؤيتي سنه آتیه مارتنك اون ايكنجي بازار ايرتسي كوني تعيين قلنديغندن اصول محاكمه حقوقيه قانوننك يكرمي آلتنجي ماده سي محكمه توفيقاً تبليغ مقامنه قائم اولق اوزره ورقه دعوتيه نك برنسخه سي محكمه ديوانخانه سنه تعليق ايدليكي كي مدعي عليه مرقومك يوم مذكوره زوالی ساعت بر واذا ني بش ساعت اوتوز بش دقيقه ده محكمه حاضر بولنق ويوم معينه كلديكي و طرفندن مصدق بر وكيل كوندرملديكي حالده غياباً محاكمه اجرا اولنق اوزره غزته ايله ده اعلاننه ابتدار قلندي .

الن پانويچ ايله آنطوان قورنني و ارمسييايه بك اوغلي بدايت محكمه سي برنجي حقوق دائره سندن صدور ايدن اعلامات موجبجه اوطون وارطالتي افندي نك ديون محكوم سندن طولاني تحت حجزه آلنان فري قريه سنه قبولي باغ آرقه جاده سنه ۶۴ وچوبان سوقاغنده ۳۷ نومرولو بررينه متصل بيك بشيوز زراع مقداري ايكي قطعه عرصه لى المزايدة بشيك غروش آلنون آچه بدل ايله طالب عهده سنه تقرر ايدرك موقتاً قراردادسي كشيده ايدملش اولمغله تاريخ اعلاندن اعتباراً اوتوز بركون ظرفنده لاقل يوزده بش ضمه طالب اولنلرك يوزده اون نسبتنده كي وده پوزيت آچه لريني برلكده آلهرق بك اوغلي اجرا دائره سنه مراجعت ايللري واوتوز برنجي يعني شهر مارتك يكرمي بشنجي بازار كوني الافرانغه ساعت اوج راده لرنده محله صوك مزايده عليه سي اجرا ايدلك اوزره مذكور عرصه پيشگاهنه عزيمت ايدجك اولان مأموري مواجهه سنه وفرداسي كون قرارداد قطعيسي كشيده اولنق اوزره دائره اجرا ده حاضر بولنلري دائره مذكوره دن اعلان اولنور .

سليمانيه جوارنده منلاخسرو محله سنه مكرر اون سكز نومرولو خانه ده مقيمه امينه كل خانه وكيلى رفيق افندي نك فاتحده عتيق على پاشا محله سنه مقيم ايكن چيقوب نره يه كيتديكي و بناء عليه اقامتگاهي مجهول بولنان عمر فيضي افندي عليه موكله سي منبوره نك پدر ومورثي متوفى حسن اخادن انتقالاً ثلث حصه شابعه سنه متصرف اولديني بر باب دكانه درسعادت بدايت محكمه سي ايكنجي حقوق دائره سي معرفتيله طقسان سكز تاريخنده وضع ايلديكي حجزك فكنه دائر اشبو محكمه دن استحصال ايلديكي ۲۸ شباط سنه ۳۲۷ تاريخ و ايكي بيك درتيوز يكرمي طقوز عدلى اعلام غياي صورتنك محكوم عليه مومي اليه اقامتگاهي مجهول اولديغندن اصول محاكمه حقوقيه قانوننك يوز قرق طقوزنجي ماده سي موجبجه محكمه ديوانخانه سنه تعليق اولنمغله برابر كيفيتك غزته ل ايله ده اعلاننه ابتدار قلندي .

بسم الله الرحمن الرحيم
 في شهر ربيع الثاني سنة ١٣٣٥
 في يوم الاثنين
 في الساعة الخامسة
 في مدينة الكويت
 في دار الحكومة
 في مجلس الوزراء
 في اجتماعهم
 في مناقشة
 في مشروع
 في قانون
 في تنظيم
 في إدارة
 في شؤون
 في المالية
 في التعليم
 في الصحة
 في الزراعة
 في الصناعة
 في التجارة
 في المواصلات
 في الدفاع
 في الداخلية
 في الخارجية
 في العلاقات
 في الثقافة
 في الفنون
 في الرياضة
 في الترفيه
 في الخدمات
 في الإسكان
 في المياه
 في الكهرباء
 في الغاز
 في الهاتف
 في البريد
 في التلفزيون
 في الراديو
 في السينما
 في المسرح
 في الغناء
 في الطبخ
 في الزراعة
 في الصناعة
 في التجارة
 في المواصلات
 في الدفاع
 في الداخلية
 في الخارجية
 في العلاقات
 في الثقافة
 في الفنون
 في الرياضة
 في الترفيه
 في الخدمات
 في الإسكان
 في المياه
 في الكهرباء
 في الغاز
 في الهاتف
 في البريد
 في التلفزيون
 في الراديو
 في السينما
 في المسرح
 في الغناء
 في الطبخ

جريدة عبد الله

١٣٣٥ ربيع الثاني ١٣٣٥
 ١٣٣٥ ربيع الثاني ١٣٣٥

قائمة المحتويات

نزهة بستان عبد الله



بسم الله الرحمن الرحيم
 في شهر ربيع الثاني سنة ١٣٣٥
 في يوم الاثنين
 في الساعة الخامسة
 في مدينة الكويت
 في دار الحكومة
 في مجلس الوزراء
 في اجتماعهم
 في مناقشة
 في مشروع
 في قانون
 في تنظيم
 في إدارة
 في شؤون
 في المالية
 في التعليم
 في الصحة
 في الزراعة
 في الصناعة
 في التجارة
 في المواصلات
 في الدفاع
 في الداخلية
 في الخارجية
 في العلاقات
 في الثقافة
 في الفنون
 في الرياضة
 في الترفيه
 في الخدمات
 في الإسكان
 في المياه
 في الكهرباء
 في الغاز
 في الهاتف
 في البريد
 في التلفزيون
 في الراديو
 في السينما
 في المسرح
 في الغناء
 في الطبخ
 في الزراعة
 في الصناعة
 في التجارة
 في المواصلات
 في الدفاع
 في الداخلية
 في الخارجية
 في العلاقات
 في الثقافة
 في الفنون
 في الرياضة
 في الترفيه
 في الخدمات
 في الإسكان
 في المياه
 في الكهرباء
 في الغاز
 في الهاتف
 في البريد
 في التلفزيون
 في الراديو
 في السينما
 في المسرح
 في الغناء
 في الطبخ

YAH KURUMU